


浦江縣志

十一



			九	漢
		一	一	書
		〇	七	門
一	九	四	六	
二	架	函	號	類
冊				

庫	文	閣	內	
九	九			漢
一	一			書
三	二	六		
架	冊	號	類	

內	閣	文	庫	
番	號	漢	9176	
冊	數	12	(7)	
函	號	202	80	

七



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



浦江縣志卷之十

郵政志

倉儲 蠲賦 賑濟

優老

院堂



義產附

古帝王視民如傷一夫失所引為己憂故勸農清賦諸大端雖已犁然備舉猶必綜常變兼鉅細而熟籌之在位者果以實心行實政斯無一夫一婦之不被其澤矣作郵政志

郵政

倉儲

自周官有遺人廩人之職而後世議積貯者祖之夫



水旱之災堯湯不免道在多積而預備之耳我
國家儲政大備常平義倉兩利俱存爲民圖萬全者抑
何至也前代倉儲之設其創建沿革無從詳考爰備
列

國朝倉廩儲蓄名數而前朝之建置附焉志倉儲

常平倉

- 一永裕倉共二廩 大堂偏左
- 一泰儲倉共七廩 大堂偏左
- 一永豐倉共五廩 大堂偏左
- 一大有倉共七廩 大堂偏左

一豐裕倉共五廩 大堂偏右

一預備倉共三廩 大堂偏右

一際畱倉共五廩 儀門裡東首

一阜成倉共五廩 儀門裡西首

一常盈倉共三廩 頭門裡東首

一永通倉共十一廩 頭門裡西首

一恆積倉一廩 譙樓下左偏間

一恆豐倉一廩 譙樓下右偏間

共倉十二座建廩五十五間現實貯各案原額穀貳萬
肆千貳拾伍石叁斗貳升肆合伍勺內

各省州縣等事案內官捐穀捌拾伍石

又欽奉

上諭事案內購買穀肆千陸百伍拾壹石捌斗伍升壹合

又仰體

聖衷事案內生俊捐監穀肆百陸拾石柒斗柒升捌合

又欽奉

上諭事案內生俊捐監穀陸千陸百陸拾石

又遵

旨速議具奏事案內生俊捐監穀玖千玖百肆拾伍石

又欽奉

上諭事案內截漕穀貳千肆百玖拾捌石玖斗肆升玖合

以上各案共穀貳萬肆千叁百壹石伍斗柒升捌合

內除歷年散給軍流犯口糧穀貳百柒拾陸石貳

斗伍升叁合伍勺實貯穀貳萬肆千貳拾伍石叁

斗貳升肆合伍勺

社倉分建城鄉共五處每處委社長經營每年春借秋

還照例收息自雍正二年奉文飭令勸借社穀當捐

穀肆百玖拾陸石壹斗貳升就地僉舉殷實社長收

管於雍正九年奉文出借收息至乾隆二十三年共

存舊本息社穀陸百捌拾伍石叁斗伍升當年奉

撫院楊 奏准勸捐社穀以佐儲備本邑共勸捐穀

柒千貳百肆拾柒石叁斗每石捐建倉費銀伍分歷年收放生

息至乾隆三十九年除添建倉廩詳報開銷穀叁百

柒石貳斗捌升外實貯本息穀壹萬伍千貳百叁拾

伍石貳斗柒升玖合陸勺

在城充字倉貯本息穀肆千伍百貳石貳斗玖升肆勺

在縣頭門外西首原建倉廩五間小房三間乾隆三十一年添建二間三十六年添建一間三十八年添建一間

建一間

東鄉豐字倉貯本息穀叁千柒百肆拾肆石玖升地名鄭家

市原建倉廩五間小房四間乾隆二十八年添建二間三十八年添建二間

東南鄉裕字倉貯本息穀叁千叁百肆拾伍石柒斗伍

升叁合地名黃家市原建倉廩五間小房三間乾隆二十八年添建二間三十八年添建三間

西南鄉盈字倉貯本息穀貳千貳百陸拾肆石柒斗柒

升捌合地名橫溪原建倉廩三間小房二間乾隆二十七年添建一間三十二年添建二間

北鄉實字倉貯本息穀壹千叁百柒拾捌石叁斗陸升

捌合地名寺前原建倉廩三間小房一間乾隆二十八年添建一間

附前代

舊志宋高宗紹興九年置和豐倉

理宗紹定二年知縣王宗卿置社倉尋廢按李知退修壇記自元年至

四年皆李任則王非端平二年知縣趙閉閣置廣惠二年矣當作四年

倉尋廢按自端平二年至嘉熙元年皆鄭思聰任

鄭之後即趙汝溥任矣且題名中無閉閣之名恐即汝溥也端平當是嘉熙之誤否則閉閣或在鄭前而題名佚之未可知也

度宗咸淳二年知縣王霖龍申復社倉及廣惠倉

明太祖洪武初置際畱倉一在縣東廊下置儒學倉在二

十四年知縣陳鼎置預備倉凡四處遇荒則散穀以濟成熟徵其原數貯倉

北編斗級一名看守東預備倉去縣東二十五里十九南預備

倉去縣南五里十六西預備倉去縣西十五里二北

西預備倉去縣北五里四都在龍華寺東以上諸倉俱廢基存

武宗正德七年知縣鄒觀遷建預備倉在縣譙樓外左廡三間現存

神宗萬歷二十四年兵巡道張朝瑞建常平倉一在十

在十六都洪溪今廢基存四十一年知縣莊起元修洪溪社倉後廢

四十四年知縣黎宏道重修東西二際畱倉

懷宗崇禎九年知縣吳應台重修東西二倉

郵政二十八年

蠲賦

惟正之供民不敢後而損上益下以寬民力則蠲賦之興行焉自漢至明邑無可考

國家鼎興迄今百有餘載

恩綸叠沛視民如傷藏富於民之意有出周官荒政之外

者夫豈煦煦之恩所可同日語哉志蠲賦

國朝順治十八年旱奉

旨分別重輕蠲糧銀伍千餘兩

康熙十年辛亥旱自夏至秋凡五月不雨撫院范 奏

請奉

旨蠲租

康熙三十一年壬申蠲浙江應輸漕米一年

康熙三十八年己卯蠲三十四五六年未完民欠地丁

錢糧

康熙四十四年乙酉蠲浙江地丁銀

康熙四十五年丙戌蠲四十三年以前未完地丁銀

康熙四十八年己丑蠲浙省地丁銀

康熙五十年辛卯浙省新舊地丁銀並蠲免

康熙五十一年壬辰浙省五十年五十二年地丁銀一

槩蠲免

康熙五十六年丁酉浙江帶征地丁屯衛并漕項銀免

征各半

雍正七年己酉蠲浙省地丁屯餉錢糧十分之二

乾隆十二年丁卯奉

上諭蠲本年地丁錢糧

乾隆三十五年庚寅恭逢

皇太后

皇上萬壽欽奉

恩詔蠲免浙省三十七年地丁錢糧

郵政三

賑濟

有餘不足天道之常而補救之者人也浦邑地瘠民貧家鮮積聚又多山少水時虞旱暵歲一饑僅身楫不通商賈鮮至民幾為涸轍之鱗矣仰賴天恩列聖深仁多方賑卹四境始獲生全世世食德不能忘也志

賑濟

國朝康熙五十八年己亥夏秋大旱經縣勘詳撥米煮賑

命四鄉設廠日煮粥以食之饑民頗安

康熙六十一年壬寅夏旱經縣勘詳奉文煮賑請撥米四鄉設

賑

雍正十年壬子水災沖坍田地報縣通詳委勘發賑

乾隆五年庚申閏六月大水沖壞田禾沙石壅塞自一

百井都至二十六都報縣通詳奉檄分別輕重給予籽粒

乾隆九年甲子旱奉

上諭被災莊卹本年地丁錢糧寬至次年麥熟開征并酌

借常社倉穀着令下年成熟免息還倉

乾隆十六年辛未春雨連綿二麥歉收米價騰踊夏又
大旱自四月至九月不雨一都至二十三都被災尤
甚經縣詳請發勘奉

旨准予撫恤加賑并給散籽本銀兩

附前代與申閏六月大水

舊志明世宗嘉靖二年大旱明年春二月知縣毛鳳韶

開倉賑濟時奏災發勘蠲恤令天下府州縣開倉賑
饑邑侯毛因民告急不及候上司報可查

照黃冊田糧少者極貧丁口大口月給六斗小口月

給四斗着令秋成抵斗還官後為上司查提以救得

釋次年負載二十四年大旱知縣何允魁開倉賑濟
還官者如市時申請上
司發賑

神宗萬曆十六年旱知縣張而綱開倉賑濟動支倉穀
四千石極

貧者給穀三斗次貧二斗又次貧一斗十八年旱本府
斗時邑人黃繼彬捐粟一百餘石

同知周尚禮按臨散銀賑濟邑饑民數盈七八萬上
司酌處欽恤賑濟錢糧

委本府同知總理按臨入邑計口折二十六
年大旱

銀隨方分給浦江計銀九百餘兩

明年知縣鄧漢勸民出粟賑饑時餓殍載道明年春
鄧侯來任行郊勸借

邑人黃繼彬又捐粟五百石四十三
年旱知縣黎宏

為一縣先賴以全活者甚眾

道開倉平糶

郵政四優老

年之貴乎天下久矣自虞夏商周莫不上齒大司徒

之養老所為重其典也由斯以降德意漸衰
聖朝御宇以來子惠黎元於老者尤加優恤百數十年中
鴻恩屢逮養老之政今猶古也被潤澤而長子孫何其幸
與志優老

雍正元年四月奉

上諭直隸各省督撫令州縣有司擇老農之勤勞儉樸身

無過舉者歲舉一人給以八品頂帶榮身以示鼓勵

浦邑中 部准給八品頂帶者三人
鄭爾壽 楊韓仲 傅希美

雍正十三年乙卯九月

皇上登極欽奉

恩詔凡軍民年七十以上者許一丁侍養免其雜派差役

八十以上者給予絹一疋綿一劬米一石肉十劬九

十以上者倍之

又十三年十月欽奉

恩詔凡八十以上清白良民身無過犯之老人照例給以

八品頂帶榮身

時邑中准給頂帶者凡六人 生員張
洪伯恆 陳德

征 陳汝吉
鄭爾璠

又十三年十一月欽奉

恩詔凡婦女年七十以上者給予布一疋米五斗八十以

上者給予絹一疋米一石九十以上者倍之百歲者

題明給予建坊銀兩

乾隆二十六年十二月欽奉

恩詔凡軍民年七十以上者許一丁侍養免其雜派差役

八十以上者給予絹一疋綿一斤米一石肉十斤九

十以上者倍之百歲者題明給予建坊銀兩

乾隆三十六年十二月欽奉

恩詔凡軍民年七十以上者許一丁侍養免其雜派差役

八十以上者給予絹一疋綿一斤米一石肉十斤九

十以上者倍之百歲者題明給予建坊銀兩

郵政五

院堂 義產附

王者發政施仁首先無告良以惻隱之心於斯為尤

急也故養濟以恤窮民義冢以仁枯骨邑民之被德

厚矣而育嬰普濟兩院又仰體

聖朝矜老慈幼之意迭起而振興之使幼孤遂長老者壽

終助流政教功何偉也因記邑之所以恤民者而以

諸義產各附見焉志院堂

國朝順治三年知縣韓文明重修養濟院

時傾圮久至是重建凡兩進其

屋十間繚以周垣外為門屋三間額設孤貧三十
三名浮額孤貧十名歲給薪布口糧銀壹百叁拾捌
兩陸錢遇閏加給閏銀壹拾壹兩壹錢
陸分伍釐邑人張以邁有記見藝文

右養濟院

雍正元年知縣邢世瞻重建育嬰堂

舊在城東須祠之西偏有其地無其人

也雍正元年始改建於縣治之南捐置田畝募老嫗居之以候棄嬰僱乳撫養凡士民先後捐田肆拾柒畝柒分捌毫歲收田租折色八折錢肆拾貳兩零除完糧米外為撫育棄嬰之費乳嫗每名月給八折錢叁錢逐年冊報其田租選殷實鄉約經理並委捕衙查給焉乾隆三十年知縣何子祥移入普濟堂側

因邢侯所建尋圯後假須侯祠以養育之至是拆建浦陽書院於此

開載育嬰堂義產

雍正元年捐置

田壹畝伍分叁釐貳毫

五都木杓堰

田貳畝

五都木杓堰

田壹畝

四都佛堂堰頂

田以上係知縣邢世瞻捐共田肆畝伍分叁釐貳毫

田壹畝伍分

周秉緯捐

五都赤塘下

田壹畝伍分

張正上捐

十五都嚴邨

田貳畝

陳伯恩捐

二十一都洞坑

田叁畝

徐思儒捐

十七都下何

田柒分伍釐

張尚嚴捐

十都季宅

田貳畝貳分伍釐

倪鎮候捐

一都和尚山頭

田貳畝

吳國安捐

十七都馬墅

田以上共捐田拾叁畝

乾隆四年捐置

田貳畝柒分伍釐

十六都牛車頭

田壹畝柒分伍釐

五都石陵

田壹畝叁分

四都金家墳沿

田以上係知縣李從龍捐共田伍畝捌分

乾隆九年捐

田叁畝壹分貳釐伍毫

十五都橫路下

田貳畝叁分捌釐

眼塘

田貳畝伍分

嚴邨

田貳畝肆分

柳邨坂

田貳畝伍分伍釐

馱店

田貳畝捌分陸釐

店後

田叁畝壹分玖釐壹毫

柳邨橫塘

田壹畝壹分貳釐

大路下

田肆畝貳分伍釐

十六都石鼓門口

以上係民人于國遠捐共田貳拾肆畝叁分柒釐

陸毫

通共田肆拾柒畝柒分捌毫

右育嬰堂

雍正七年知縣袁暲勅建普濟堂

時十五都愚民有感於牟尼教而置齋田

建齋堂誦經祈福者知縣袁侯查勘申詳奉批移建城內以處鰥獨無依之老民爰拆運齋堂而築室於城南司之故址名曰普濟凡計門樓一間前聽三間中庭一間後堂三間左右廂共十間又將齋田編入普濟以為收養老疾之資共計原田四十三畝四分一釐歲收穀租四千七百三十斤零按照在堂孤老每人月給穀四十斤原地三十畝歲收麥三百八十八斤零備給孤老柴炭之用而以地租白豆易糶完糧選殷實鄉約

開載普濟堂編入田地

縣前街

田壹畝貳分玖釐

十五都菜園

田壹畝陸分

大路上丁邨

田壹畝肆分貳釐

高六斗

田壹畝伍分

中央址

田壹畝叁分伍釐

孔址

田壹畝貳分伍釐

石頭址

田壹畝貳分叁釐

石一田頂

田貳畝捌分玖釐

中央宅屋後

田壹畝壹分伍釐

石一田頂

田壹畝壹分捌釐

門前五斗

田壹畝壹分柒釐

城界塘

田玖分玖釐

城界塘

田壹畝柒釐

上蔡村

田壹畝

水田四斗

田壹畝伍釐

推飽坵拍

田叁畝陸分伍釐

徐裏坂石四

田壹畝貳分

大路四斗

田壹畝壹分肆釐

雙眼塘

田壹畝伍分肆釐

大路邊

田壹畝

長塘四斗

田貳畝壹分

東邊八斗

田壹畝伍分

長坵六斗

田壹畝柒分伍釐

隴沿七斗

田柒分伍釐

桃源門前

田伍分

石塔脚二斗

田捌分捌釐

雞食注

田柒分伍釐

余邨門前

田柒分

西陳家邊

田陸分伍釐

西邊丁邨地田

田柒分伍釐

王山沿三斗

田陸分

王山二斗五升

田壹畝捌分貳釐

基田

以上共田肆拾叁畝肆分

田壹畝壹分貳釐

四斗五升

田捌分陸釐

溪邊三斗

地壹畝

十五都溪口

地壹畝伍分

下溪口

地壹畝

東外四斗

地柒分捌釐

齋堂基

地叁畝

齋堂基

地伍分伍釐

齋堂基

地壹畝

路頂余郵

地柒分伍釐

余郵基地

地貳畝柒分

齋堂基墳地

地壹畝伍分

高地六斗

地壹畝

四斗

地柒分伍釐

火爐屏

地壹畝

下十畝

地壹畝

三畝

地叁畝

水坑塘拍

地壹畝

山塘頂拍

地壹畝柒分伍釐

河抱塘頂

地捌分貳釐

上十畝

地貳畝伍分

下蔡頂

地叁畝

上塊拍

以上共地貳拾玖畝陸分

通共田地柒拾叁畝

右普濟堂

國朝初原存義冢地壹拾貳畝

在城東側
土名猪市

康熙五十八年縣民張旭彩捐義山貳畝

在大東門外
九里岡

雍正七年知縣張人崧置義冢叁畝

在東山背
距縣一里

雍正十三年吏員賈守英置義冢貳畝

在北門外
石夾口

雍正十三年邑人朱以明捐地叁分

在南壇外

乾隆六年知縣龍雲斐置義地叁畝

亦在東山背

乾隆二十九年監生方朝瑞捐義地壹畝貳釐

在五里
大路沿

乾隆三十年縣民黃廷伯捐義山叁畝叁分叁釐

在小西門

外壽
峯山

右義冢

附前代

舊志元順帝至正十九年置養濟院

明太祖洪武初置養濟院

去縣一里在東山亭左房屋
三間置焚獨老病者於其中

大月給米三斗小月二斗九升
冬給棉布三丈夏苧布三丈

世宗嘉靖二年知縣毛鳳韶修養濟院

建屋五間毛侯
自為記見藝文

右養濟院

舊志明惠帝建文四年知縣程汝器置義冢

去縣西一里在福全

山之陰創制以葬民之死而無歸者

世宗嘉靖二年知縣毛鳳韶置東西兩義冢

毛俟白為記見藝文

神宗萬曆四十四年知縣黎宏道丈明義冢掩骼埋胔

東義冢在縣東一里壽峯殿後西義冢在縣西葛鳴

懷宗崇禎八年知縣吳應台清界立石禁民久殞不葬者

右義冢

舊志宋徽宗崇寧三年置漏澤園 今廢

寧宗慶元三年知縣郭圭修漏澤園 今廢

明惠帝建文元年知縣程汝器重修漏澤園 今廢按舊志作洪武

三十二年

右漏澤園附

舊志元成宗大德二年置惠民藥局 在縣治四牌坊南今廢 十三

年置藥室 今廢按大德十一年止十三誤

明太祖洪武初置惠民藥局 尋廢

神宗萬曆三十三年知縣李炳恭重建 今廢


右藥局附

浦江縣志卷之十終
即前志卷文元中映湖湖山者重分編詳圖
 即前志卷文元中映湖湖山者重分編詳圖
 即前志卷文元中映湖湖山者重分編詳圖
 即前志卷文元中映湖湖山者重分編詳圖
 即前志卷文元中映湖湖山者重分編詳圖
 即前志卷文元中映湖湖山者重分編詳圖

浦江縣志卷之十一

人物志

名臣 儒學 忠節 孝友 政事 文苑 義行
 隱逸 方技 寓賢
 人能美地地不能美人古不云然乎宋元明之間浦
 人材特盛論者歸故於山川之秀傑然而五代以前未
 見其能雄視他邑也明季以降亦稍凌夷衰微矣形
 家言往往謂地脈之失靈然昔之人洵足嘉今亦猶
 有可取者焉爰合古今而類聚之首名臣體用具備
 者也次儒學先立體也君父為倫之大故忠節孝



友遞及之由是著之為功業發之為文章而政事文苑列焉其他慷慨好義高尚絕俗與夫一藝成名之士均足多也遠方人攬轡以望仙華當亦有衛多君子之嘆乎作人物志

人物一

名臣

仕宦而至將相可謂榮矣而為名世為社稷臣惟其人不惟其官之大小也易曰上下交而其志同士君子遭遇昌期翊贊泰階之治宣暢霖雨之功夏乎尚已至有懷材抱德逢衰運事中主位非要津功不能

以大有為而丰采凜然至今可想見其立朝之梗概者鹽梅之望亦必歸之志名臣

楊喬 梅執禮 王萬 吳直方

鄭澐 宋濂 張元諭 張應槐

漢

楊喬字聖達本河東人高祖茂從光武為威寇將軍封烏傷新陽鄉侯建武中就國傳三世以罪國除因家焉父扶字聖儀為交趾刺史有能名喬為漢尚書丰儀偉麗帝喜其才貌召尚公主固辭不聽因不食七日而卒喬當桓帝時前後數上書直言政事其薦孟

嘗表曰臣前後七表言故合浦太守孟嘗而身輕言
 微終不蒙察區區破心徒然而已嘗安仁弘義耽樂
 道德清行出俗能幹絕羣前更守宰移風改正去珠
 復還饑民蒙活且南海多珍財產易積掌握之內價
 益兼金而嘗單身謝病躬耕壟次匿景藏采不揚華
 藻實羽翮之美用非徒腹背之毛也而沈淪草莽好
 爵莫及廊廟之寶棄於溝渠且年歲有訖桑榆行盡
 而忠貞之節永謝聖時臣誠傷心私用流涕夫物以
 遠至為珍士以稀見為貴槩木朽株為萬乘用者左
 右為之容耳王者取士宜扶眾之所貴臣以斗筲之
 資趨日月之側思立微節不敢苟私鄉曲竊感禽息
 忘身進賢孟嘗蓋喬同郡人也竇武薦喬文質彬彬
 明達國典不究所用而卒弟璇別有傳

宋

梅執禮字和勝家貧幼喪父母胡教以讀書崇寧五年
 第進士調常山尉未赴以薦為詳定一司勅令刪定
 官俄遷九域志編修官秩滿除武學博士或謂執禮
 文儒不宜處以武事執禮欣然就職陳說大義聞親
 挾弧矢為諸生率大司成強淵明賢之數為宰相言
 相以未嘗識面為慊執禮聞之曰以人言而得必以

人言而失吾求在我者而已卒不往謁轉重修政和
勅令刪定官擢軍器監丞以親嫌辭改鴻臚遷比部
員外郎比部職勾稽財貨文牘山委率不暇經日苑
吏有持茶券至爲錢三百萬者以楊戩旨意追取甚
急執禮一閱知其妄欲白之長貳疑不敢乃獨列上
果詐也改度支吏部進國子司業兼資善堂翊善歷
左右二司員外郎召試中書舍人移給事中林攄以
前執政赴闕宿留冀復用臺諫願望莫敢言執禮論
去之孟昌齡居鄆質人室廬當贖不肯與而請中旨
奪之外郡卒留役中都者萬數肆不逞爲奸詔悉令
還楊戩占不遣內侍張佑董葺太廟借求賞皆駁奏
不行拜禮部侍郎素與王黼善黼嘗置酒其第夸示
園觀女樂之盛有驕色執禮曰公爲宰相當與天下
同憂樂今方臘流毒吳地瘡痍未平豈歌舞宴樂時
耶退又以詩戒之黼愧怒執禮上疏求去有不能薦
進人材之語黼曰是欲爲宰相耶會孟享原廟後至
以顯謨閣待制知蘄州又奪職明年徙知滁州復集
英殿修撰西洛歲供縣官炭自元豐以來稱林木且
盡令淮南代輸執禮曰滁之林木亦盡矣經四十年
久洛都當已復舊卽奏免之賦鹽有定數而監者抑

配以補故額執禮曰郡不能當蘇杭一邑而食鹽倍於粟數民何以堪請於朝詔損二十萬滁人德之皆繪像祠焉欽宗立徙知鎮江府召爲翰林學士未上改吏部尚書旋改戶部方軍興調度不足執禮請以禁內錢隸有司凡六宮廩給皆絲度支乃得下嘗有小黃門持中批詣部取錢而御封不用璽者旣悟其失復取之執禮奏審詔責典寶夫人而杖黃門由是人不敢妄取月省浮費三十萬金人犯關執禮勸帝親征而請太上帝后皇后太子皆出避用事者沮之洎失守金人質帝於營邀金縉以數百千萬計曰和議已定所需滿數則奉天子還關執禮與同列陳知質程振安扶皆主根索四人哀民力已困相與謀曰金人所欲無藝極雖銅鐵亦不能給盍以軍法詰罪倘窒其求宦者挾宿怨語金帥曰城中七百萬戶所取未百一但許民持金銀易粟麥當有應者已而果然帥怒呼四人責之答曰天子蒙塵臣民皆願致死雖肝腦不計於金縉何有哉願以比屋朽空無以塞命耳帥問官長何在振恐執禮獲罪遽前曰皆官長也帥益怒先取其副胡舜陟胡唐老姚舜明王侯各杖之百執禮等猶爲之請俄遣還將及門呼下馬撾

殺之而梟其首時靖康二年二月也是日天宇晝冥
士庶皆隕涕憤歎初二帝初出執禮力爭不從遂大
慟歸見其母曰主辱臣死何以生爲母曰忠孝難兩
全汝受國厚恩如此宜刳心上報慎勿以老人爲念
執禮乃以其母屬兄弟去與諸將謀奪萬勝門夜擣
敵營以二帝歸范瓊輩皆謂無益獨吳革從公議以
賑給爲名與宗室子昉密團結軍民不旬日得十餘
萬王時雍徐秉哲聞之使瓊泄其謀故陽托根索事
殺之執禮通諸經尤濳於周易所著有文集十五卷
死時年四十九高宗卽位詔贈通奉大夫端明殿學
士議者以爲薄復加資政殿學士諡曰節愍子忠恕
承務郎監潭州南嶽廟忠範承務郎

王萬字處一其先出於會稽唐之中世始遷烏傷之鳳
林萬之祖起又自鳳林遷浦陽父約之游江淮開萬
因生長濠州家甚貧而厲志於學凡三舉始中嘉定
十六年進士第調和州教授遷浙西提舉司主管文
字未闕月遭父喪端平元年除主管尚書吏部架閣
文字轉國子學錄明年添差通判揚州以母老辭改
鎮江萬自少忠伉有大志究心當世急務極知邊防
要害嘗爲書歷告重臣大官論沿邊事宜謂長淮千

里中間無大山澤爲限擊首尾應正如常山蛇勢首當并兩淮惟一制閫之命是聽兩淮惟濠州居中濠之東爲盱眙爲楚以達鹽城淮流淩廣敵所難渡濠之西爲安豐爲光以達信陽淮流淺澀敵每揭厲以涉之法當調揚州北軍三千人自淮東擣虛常往來宿亳閒使敵無意於東而我併力淮西淮西則又惟合肥居江淮南北之中法當建制置司合肥而以濠梁安豐光州爲臂以黃岡爲肘後緩急之助又必令荆襄每候西兵東來輒尾之使淮襄之勢亦合而後規模可立也論用兵則謂當以五千人爲屯每屯一

將二長一大將一路又合一將而并合於制置爲總統淮東可精兵三萬光黃可二萬東西夾擊而沿江制司會合肥兵共二萬以牽制其中行則給營陣止則依城壘行則賫乾糧止則就食州縣論屯田則謂當於新復州軍東則海邳所依者水之險西則唐鄧所依者山之險畫此則無地無田不耕而歸附新軍流落餘民亦有固志論守戍則謂戎司舊分地戍守殿步兵戍真揚六合鎮江兵戍揚楚盱眙建康馬司兵戍滁濠定遠都統司兵戍廬和安豐以至池司兵戍舒蘄巢縣江司兵戍蘄黃浮光地勢皆順皆以

統制部之出外而皆常有帥臣居內以本軍財賦葺營柵撫士卒備器械以故軍事常整辦遇警急則帥臣親統重兵以行比乃有以建康馬帥而知黃州者都統而知光州者以池司都統而在楚州以鎮江都統而在應天者將不知兵兵不屬將往往以本軍之財資他處之用以致營柵壞而莫修士卒貧而莫給器械鈍而莫繕宜與盡還舊制其他敷陳皆類此多者或累數千言文多不載三年授樞密院編修官嘉熙元年兼權屯田郎官萬因輪對又言於上曰天命去舊原於君心陛下下一一而思之凡惻然有觸於心而不安者皆心之未能同乎天者也天不在天而在陛下之心苟能天人合一永永勿替則天命在我矣其言尤爲精白未幾差知台州至郡惟疏食敝衣終日坐公署事至立斷吏無所售多改業散去民亦化之不復訟上下肅然丁歲祲萬盡力拯之民無饑死才五月乞祠去三年遷屯田員外郎兼編修官轉尚右郎官尋兼崇政殿說書四年擢監察御史首論刑部尚書史宅之故相之子昔嘗弄權不當復玷從班上命丞相再三諭旨迄不奉詔上不得已出宅之知平江府史嵩之自江上董師入相氣象迫遽人心傾

搖衆莫敢言萬又首論之會議相之事已決疏入除
大理少卿萬卽日還常熟寓舍拜太常少卿辭差知
寧國府辭召赴行在奏事出爲福建提點刑獄加直
煥章閣四川宣諭司參議官皆力辭俄乞休致詔特
轉朝奉郎守太常少卿致仕卒年四十八及嵩之罷
相人方交論其非上思萬先見親賜御札謂萬立朝
嘗譏古之遺直爲郡廉平古之遺愛特贈集英殿修
撰予錢五千緡田五百畝以贍給其家萬遇事敢言
衆知其人豪每春問之當金初滅鄭清之欲謀乘虛
取河洛萬曰今朝廷勇於復境而怯於備邊莫若移
勇於怯爲自治之規不然非萬所知也已而北兵壓
境三邊震動其言果驗理宗下罪己之詔命中書舍
人吳泳視草萬謂泳曰用計已失矣亦豈可遽示怯
哉今邊民生意如髮宐振厲奮發以興感人心泳如
其言萬初與季衍遇衍勉萬從事朱熹四書之說久
之有得於時習之語謂學莫先於言願行言是而行
違非言之僞也習未熟耳熟則言行一矣故終身言
行相顧發於設施論諫忠懇剴切無所顧忌初官不
受人薦生平不交權貴書絲毫不妄取或饋藥材甚
豐萬力却之至使人謝過萬不得已受一附子守台

時有故人來謁欲售錦裯贈之入白其母母曰不可此固汝當得終官物也或以萬之介潔其母教之有素云初諡議節惠後更忠惠所著書名時習編有易詩書論語孟子中庸太極圖說及其他奏劄論天下事者凡十卷子庭宇德揚受知賈似道官終大理寺丞

元

吳直方字行可其先毗陵人一遷於鄱再遷於睦三遷浦陽之新田唐乾寧初有名公養者又遷縣西吳溪上至直方十五世直方年七歲母亡十歲大父蕃又亡獨與其父寶居豪家利其弱時侵苦之直方雖在童子中常發憤自厲必欲伸已志乃已稍長出游浙東西習刑法於帥府及行中書復北走京師無他親朋童御一身在逆旅中凡三十六年困苦艱難無不備歷或勸南歸直方曰生爲寄死爲棄等一死耳何分冀北與江南乎其志愈壯不少折後用薦者以備說書事明宗於潛邸會明宗出鎮北藩復罷去尋奉省檄爲上都路學正欲上又爲代者所先遂主畱守馬扎兒台家教其子脫脫及也先帖木兒元統二年脫脫爲御史中丞以直方嘗事先朝奏爲江浙等處

儒學提舉中書改授副提舉未上御史臺又改授廣東廉訪使承發架閣兼照磨時直方年六十一矣明年遷宣政院架閣管勾俄陞長史重紀至元六年脫脫從父伯顏方秉國鈞恃有定策功專權自肆人情震栗上與脫脫密謀罷其政柄更新庶務直方實協贊之上爲其功召至便殿賜以黃金繫帶驟超十餘階授集賢直學士轉侍講學士尋又陞學士脫脫亦自是進位右丞相國有大政令多咨直方然後行直方每引古義告之民被其賜者甚衆未幾上章乞骸骨以大學士榮祿大夫致仕食俸賜終身至正中監察御史劾直方躡進官階奪其誥命除名爲民他御史辯其誣復之直方浚沈有謀人莫測其喜愠夷險一致可屬以天下大事縱羣言沸騰不少動爲人謙下待人恆如布衣一飯之恩必思報之人以是稱焉子萊志道萊別有傳

鄭浚字仲幾一字浚常父銳以浚貴贈樞密院判官追封浦江縣子浚幼負氣不羈人多斥其誕獨從父欽奇之使游學京師久之從丞相別兒怯不花出鎮南服杭城災連數萬家浚諷不花以汲黯事不候報下按戶計口賑之不花將辟爲行宣政院宣使未及就

仍從不花入京聞太師脫脫喜土走見之脫脫方奏
取江淮蘆蕩之利濬切言不可脫脫謂其子哈刺章
曰鄭先生有道士也汝宐事之遂延家處以師席濬
教導有方脫脫稱譽不置口至有聞於上者有旨欲
令皇太子其學濬懇脫脫奏辭上曰朕言已出必使
一至卿家而返明日太子至濬以孝經進太子因賜
錦衣一襲至正八年脫脫奏濬爲太傅府長史問以
民間所病濬曰皇慶初國用不足令民入貨取券使
受直於有司踰三十年弗償非惟民困將國家之信
安在耶脫脫卽勒吏使給之鈔以緡計者八百五十
萬有奇十年遷宣文閣授經郎俄以中書奏兼經筵
譯文官濬敷繹聖經啓沃濬切上每爲之改容宣文
在禁中密邇端本堂日侍皇太子研席寵遇殊甚嘗
問其家用居事嘆爲嘉瑞書麟鳳二字美之十四年
轉鑒書博士兼官如故濬侍經帷教胄子者四載歲
錫宴者再頒織金文幣者二以爲常時濬從弟濤方
爲經筵檢討參贊官每進講殿中兄弟連翩而入及
退均被上尊馬湏之賜十五年改中書吏部員外郎
初有同舍生先入仕籍見濬未達頗使酒侮辱及是
改官之文適至濬曰彼積勞日久豈可以私憾廢公

法哉擇良郡官之從脫脫征高郵見途民東西竄追
問之曰軍奪民牛且擊翁嫗傷故逃耳深曰王師除
暴禁亂乃令侵民耶蹤跡其人執詣脫脫寘於法尋
脫脫以讒去國濬感之亦移病弗視事十六年秋御
史臺欲用為御史濬以母老辭已而除僉江南浙西
道肅政廉訪司事浙西時屯重兵挾貓獠軍勢強什
人廬舍以為薪上下惴惴莫敢誰何濬反覆鞫訊知
隸平章慶童帳下械送而請治之軍不敢譁尋改江
東建康道未及上卒年甫四十八濬授經宣文閣中
所從皆勳戚之子學成而仕多蔚為名臣在朝卿大
夫無不知敬愛濬而翰林學士揭傒斯學士承旨歐
陽元諭德李好文司農少卿危素尤與濬為文墨交
而無間者也

明

宋濂字景濂其先金華之潛溪人祖德政以濂貴贈太
常少卿父文昭贈禮部尚書濂幼英敏強記就學於
聞人夢吉通五經復往從吳萊學已遊柳貫黃潛之
門兩人皆亟遜濂自謂弗如年二十五浦江義門鄭
氏延之講學喜其風立乃自潛溪遷縣青蘿山下元
至正中用大臣言以翰林院國史編修召以親老辭

不行尋詭爲黃冠逃隱小龍門山中讀書自娛踰十
餘年明太祖取婺州召見時州已改寧越府命知府
王顯宗開郡學因以濂及葉儀爲五經師明年三月
以李善長薦與劉基章溢葉瑛並徵至應天除江南
儒學提舉命授太子經尋改起居注濂長基一歲皆
起東南負重名基雄邁有奇氣而濂自命儒者基佐
軍中機謀濂亦首用文學受知恆侍左右備顧問嘗
召講春秋左氏傳濂進曰春秋乃孔子褒善貶惡之
書苟能遵行則賞罰適中天下可定也太祖御端門
口釋黃石公三畧濂曰尚書二典三謨帝王大經大
法畢具願留意講明之已論賞賚復曰得天下以人
心爲本人心不固雖金帛充牣將焉用之太祖悉稱
善乙巳三月乞歸省太祖與太子並加勞賜濂上箋
謝并奉書太子勉以孝友敬恭進德修業太祖覽書
大悅召太子爲語書意賜札褒答并令太子致書報
焉尋丁父憂服除召還洪武二年詔修元史命充總
裁官是年八月史成除翰林院學士明年二月儒士
歐陽佑等採故元元統以後事蹟還朝仍命濂等續
修六越月再成賜金帛是月以失朝參降編修四年
遷國子司業坐考祀孔子禮不以時奏謫安遠縣知

縣旋召爲禮部主事明年遷贊善大夫是時帝留意
文治徵召四方儒士張唯等數十人擇其年少俊異
者皆擢編修令入禁中文華堂肄業命濂爲之師濂
傳太子先後十餘年凡一言動皆以禮法諷勸使歸
於道至有關政教及前代興亡事必拱手曰當如是
不當如彼太子每斂容嘉納言必稱師父云帝剖符
封功臣召濂議五等封爵宿大本堂討論達旦歷據
漢唐故實量其中而奏之甘露屢降帝問災祥之故
對曰受命不於天於其人休符不於祥於其仁春秋
書異不書祥爲是故也皇從子文正得罪濂曰文正
固當死陛下體親親之誼置之遠地則善矣車駕祀
方邨患心不寧濂從容言曰養心莫善於寡欲審能
行之則心清而身泰矣帝稱善者良久嘗問以帝王
之學何書爲要濂舉大學衍義乃命大書揭之殿兩
廡壁頌之御西廡諸大臣皆在帝指衍義中司馬遷
論黃老事命濂講析講畢因曰漢武溺方技謬悠之
學改文景恭儉之風民力旣敝然後嚴刑督之人主
誠以禮義治心則邪說不入以學校治民則禍亂不
興刑罰非所先也問三代歷數及封疆廣狹旣備陳
之復曰三代治天下以仁義故多歷年所又問三代

以上所讀何書對曰上古載籍未立人不專講誦君人者兼治教之責率以躬行則衆自化嘗奉制誅鷹令七舉足卽成有自古戒禽荒之言帝忻然曰卿可謂善陳矣濂之隨事納忠皆此類也六年七月遷侍講學士知制誥同修國史兼贊善大夫命與詹同裴詔鳳修日歷又與吳伯宗等修寶訓九月定散官資階給濂中順大夫欲任以政事辭曰臣無他長待罪禁近足矣帝益重之八年九月從太子及秦晉楚靖江四王講武中都帝得輿圖濠梁古蹟一卷遣使賜太子題其外令濂詢訪隨處言之太子以示濂因歷歷舉陳隨事進說甚有規益濂性誠謹官內庭久未嘗許人過所居室署曰溫樹客問禁中語卽指示之嘗與客飲帝使人偵視翼日問濂昨飲酒否坐客爲誰饌爲何物濂具以實對笑曰誠然卿不欺朕閒召問羣臣臧否濂惟舉其善者曰善者與臣友臣知其不善者不能知也主事茹太素上書萬餘言帝怒問廷臣或指其書曰此不敬此誹謗非法問濂對曰彼盡忠於陛下且陛下方開言路惡可滾罪旣而帝覽其書有足採者悉召廷臣詰責因呼濂字曰微景濂幾誤罪言者於是帝廷譽之曰朕聞太上爲聖其

次爲賢其次爲君子宋景濂事朕十九年未嘗有一言之僞誚一人之短始終無二非止君子抑可謂賢矣每燕見必設座命茶每旦必令侍膳往復咨詢嘗夜分乃罷濂不能飲帝嘗強之至三觴行不成步帝大懼樂御製楚辭一章命詞臣各賦醉學士詩又嘗調甘露於湯奉以飲濂曰此能愈疾延年願與卿共之又詔太子賜濂良馬復爲製白馬歌一章亦命侍臣和焉其寵待如此九年進學士承旨知制誥兼贊善如故其明年致仕賜御製文集及綺帛問年幾何曰六十有八帝乃曰藏此綺三十二年作百歲衣可也濂頓首謝旣歸杜門著述人罕得見其面布衣蔬食無異貧士又明年入朝帝懼動顏色卽勅儀曹奉上尊法膳相續日侍游宴帝喟然曰純臣哉爾濂今四齋皆知卿名卿其自愛十三年冬長孫慎坐胡惟庸黨帝欲置濂死皇后太子力救乃安置茂州濂狀貌豐偉美鬚髯視近而明一黍上能作數字自少至老未嘗一日去書卷於學無所不通爲文醇濃演迤與古作者並在朝凡郊社宗廟山川百神之典朝會燕享律歷衣冠之制四齋貢賦賞勞之儀旁及元勳巨卿碑記刻石之辭咸以委濂屢推爲開國文臣之

江表元
卷之十一
二
首士大夫造門乞文者後先相踵外國貢使來數問
宋先生起居無恙否高麗安南日本至出兼金購文
集四方學者悉稱為太史公不以姓名雖白首侍從
共勳業爵位不逮基而一代禮樂制作濂所裁定者
居多其明年卒於夔年七十二知事葉以從葬之蓮
花山下蜀獻王慕濂名復移塋華陽城東宏治九年
四川巡撫馬俊奏濂真儒翊運述作可師黼黻多功
輔導著績久死遠戍幽壤沈淪乞加卹錄下禮部議
復其官春秋祭葬所正德中追諡文憲

張元諭字伯啓自號月泉生而右眉白人稱白眉公幼

穎而嗜學博洽經史討論注疏以折衷朱傳多所發
明讀史凡所評斷皆確論文追秦漢詩步盛唐嘉靖
丁未成進士授工部主事度支節慎庫盡裁宿弊修
廳事於郎署地閣下見遺金六千兩以入公儲時銓
長張華陽疑其詭以市名元諭寘不校後臺省清稽
覈庫所缺適符遺金之數追究之乃知前主事所運
藏暴卒未攜者其事乃白尋進員外郎董造皇陵有
所羨悉上於朝上賜寶鈔彩段旌異已復進正郎同
官袁應樞者相國嚴嵩婿也慕元諭雅望啖以美官
正色曰此豈爾婦翁家物耶袁不勝愧忿嵩子世蕃

以任子官尚寶卿兼工部侍郎銜例兼銜官於部堂
無公座部僚議創設以結世蕃歡元諭堅奉祖制爭
之世蕃氣折衆亦爲寢其議楊忠愍繼盛以劾嵩被
誅元諭爲文往哭詞極懇惻無顧忌嵩父子愈益銜
焉會管鐵甲廠大將軍仇鸞嚇賄不遂仇故嚴氏黨
遂以修理不職誣劾同事數人咸以尅減律擬重辟
上獨念元諭所上私羨凡累數萬可原得減論謫判
常州聞父疾告歸侍湯藥父卒服除補廬州判甫及
瓜其佐郡及視篆下邑士民戴之如嬰兒之仰怙恃
也絲薦剡轉安慶丞管儀真鹽務却例金數千商人
嘖嘖頌之直指董昆按郡董向事鷲擊所過摧殘元
諭約郡僚爲吏民請從寬大比進見郡僚縮不敢發
元諭獨抗言董艷然辭之詰朝謁先師廟升講命撤
丞座蓋嗾之也元諭卽拂衣出駕扁舟徑行值提學
周如斗郡守朱瑞登交畱之百姓攀轅者往來如織
董亦尋悔謝乃復還職未幾擢吉安太守政主安民
不伺上意嘗爲某御史緝一奸比鞫之乃爲請宥御
史難之元諭曰守固爲人所誤敢以人命實前言耶
嶺南流盜數千犯江西屠殺慘甚將至吉安元諭先
揭榜於途示以利害賊聞太守恩信素著乃從閒道

遁去已而備兵使邀功失利撫臣挾以勒賂不與遂以縱寇聞上命送京調用卽解綬歸太史羅洪先鄒守益輩泊九邑士民皆號送不忍別無何言官交白其事撫臣以公論不容罷去冢宰楊博素雅重元諭謂其無俗情且無宦情安肯謁選補官者乃特起桂林守蓋異數云桂林政績人心亦如吉安所誦述以丁母艱歸服除再補永昌守與學撫夷稱治平第一擢滇南觀察副使奉表至京峻却諸贐無敢饋者至湖廣辰州以勤勞得疾卒元諭性孝友清介與人交不立城府至臨節守義雖賁育不能奪趾不妄入公庭亦未嘗私通一刺歷官二十四載守先業無少增置所有俸餘悉以周宗親之貧乏爲婚其不能婚者三人處鄉黨似無官者人亦不覺其爲鄉縉紳也所著有詹詹集蓬底浮談等書行於世萬歷中督學洪啓濬題請崇祀鄉賢所至五郡俱祀名宦吉安再祀鷺洲書院後學翕然仰瞻私謚貞肅先生

張應槐字汝植孟暄孫也受詩於錢唐楊道南登萬歷丙戌進士授饒州司理以經術飾吏事嘗語人曰心原無倚物各有平有罪不宥無爭自圖槐之志也在五年凡大辟戍徒從末減者數十百人尤折節加禮

文舉士秩滿當召不欲諧時干進薄遷樞部主事會
有言官忤上意上震怒特疏救之尋以母老改南時
相繼秉政者多浙人力能薦拔其鄉槐不屑也疏告
家食十餘年貧不能婚葬者資之生子不能舉者食
之公庭中未嘗投一刺也歲當均賦時通判某署邑
篆借清覈漁獵小民刑者相望人懷自危應槐出力
爭之事獲寢起補武選郎疏兵事數千言皆中機宐
後遼左事興僉服其先見轉閩備兵使者執政葉公
閩人也以大義相繩上疏直其可否凡十餘款其一
以宰相天下樞衡當推誠布公懋宏治道不宐優游
養望開倖進之門亦不宐招權樹黨以營私竇歷序
相君弗稱之繇欲上再行枚卜其二以儲貳天下根
本太子髫年神聖宐選左右前後之人格以日新又
新之學今視簡編爲文具講讀爲宐官母乃非賈誼
所以蚤諭教之意乎又以弗補大僚弗典按差弗召
對弗視朝語規皇上旨歸政府因乞休者三不報遂
不待詔歸踰年起楚屯鹽水利參政故事外臣無予
告卽予告亦無薦起者蓋異數也入楚備悉楚鹽弊
規其利便調其事宐商民賴之且爲築隄防濬水道
水故從楚藩宮出宮竇塞城中苦潦應槐首清之始

諸薦紳次第及王宮王怒移文於臬謂世有藩室事而監司得擅更耶槐往趣見開諭再三適有假子之論槐謂正室借此收拾人心豈可以一水浚怨王悟得竣其功楚人至今賴之三年晉掌粵憲正已率屬墨吏望風解綬其揭於堂有曰司馬溫公平生所爲可對人言趙清獻公旦晝所行必告天知槐誠不欲多遜二先生也後攝海道事捐贖緩千金爲賑且條肅憲防倭十餘策上部臺使者轉上之朝議重用而竟以疾卒應槐通籍三紀強半在山水間一切世味視爲幻泡恆以少年失父爲恨事母太淑人色養備至所著有存養錄鳳山博議續浦陽人物志諸書行於世祀郡邑鄉賢楚中名宦會三冊而如命之類人物二

儒學

儒莫盛於宋迨元之世何王金許一萃於婺而先是朱呂二先生及陳同甫講學於是邦月泉之上迄今溯其遺事知浦之人文有從來也蓋自仲喬大徹鵝湖之論道傳受業仁山之門嗣是遞相傳述綿綿延延大抵澁契於濂洛之微真儒而非僞儒也謹按其時代以爲先後而淺深亦畧可觀矣志儒學

朱臨 蔡慶宗 傳如松 傳如川 合傳

朱子槐 柳貫 吳萊 張元理 張元

附 元漢 張元銘 鄭尚藩

宋

朱臨其先家吳興五季避亂遷浦陽臨少穎悟從安定

胡瑗游瑗以明體適用之學教東南人士或治經或

治事各有條法長樂劉彝授周禮又兼習水利臨乃

授春秋瑗嘗著春秋辨要唯臨得之為精臨晚年好

唐陸淳學淳之師啖助趙匡嘗會三傳而取舍之淳

遂總其說為纂例辨 書臨謂孔子沒千有餘年

說春秋者皆膠於偏見無有出淳書之右者雖董仲

舒為兩漢通經第一然猶拘於穀梁不克別自餘可

知也其所學蓋卓有所見如此臨初以丞相呂公著

薦入官歷宣德郎守光祿寺丞以著作佐郎致仕後

以子適之貴贈正議大夫所著春秋私記一卷春秋

統例二十卷他詩文又別有集藏於家

朱恠縣之西隅人元祐時師黃山薛大觀大觀善說春

秋能紹述平陽孫復遺旨登其門者無慮千餘人惟

恠得其要領著春秋羣疑辨二卷所述大槩本尊王

發微甚有依據今書散佚柳貫嘗從蘭谿得其本後

有倪朴跋語謂怪之爲人無以考其詳朴距怪無百
年蓋已如此宋季縣有蔡慶宗字光遠亦明春秋之
學著春秋集解若干卷又有陳訥字升之通周易得
先儒未發之蘊著河圖易象本義八卷今俱散佚不
存

傳如松字仲喬偕弟如川好學力行從呂東萊游呂濬
器之九日呂與紫陽朱子登高如松如川侍側語之
曰孔子登東山而小魯登泰山而小天下學者立腳
不可不高又嘗從呂與朱陸講學於鵝湖如川因著
朱陸同歸論如松著鵝湖渙羣說以互相研究後如
川舉紹熙十年博學宏詞授京府教諭如松絕意進
取又恥以文章自炫隱居閉門証性雖達官罕得見
焉

朱子槐字可大西隅人少讀伊洛淵源錄卽知造道以
立志爲先以踐履篤實爲本長私淑同郡呂東萊之
學於先儒遺書窮晝夜纂輯不休以故學日益進爲
文不事華藻惟欲闡發精微之旨寶祐時舉進士咸
淳中爲本邑學正後轉睦州學正學者咸奉爲宗主
月泉書室新建邑侯王霖龍聘主講席本白鹿洞規
條以爲程範一時人文翕然振起時浦邑建縣已久

未有志乘乃搜輯先哲遺事析爲四門撰浦陽縣經
二卷又仿鄱陽洪氏志遍考一郡人物撰咸淳東陽
志雖其書湮沒不傳而學博識精卽於斯可想見矣
元

柳貫字道傳其先居河東宋建炎中七世祖鑄始從趙
鼎自河東遷杭鑄子森又自杭遷浦陽烏蜀山父金
以右科進士第爲高郵令貫幼有異質穎悟過人受
經於蘭谿金履祥遠宗徽國文公之學刻意問辨多
能究其旨趣學文於方鳳吳思齊謝翱自經史百氏
兵刑律歷數術方技異教外書靡所不通作爲文章
涵肆演迤春容紆餘人多傳誦之大德四年始用察
舉爲江山縣學教諭遷昌國州學正滿考游燕京吳
澂見其文而奇之曰卿雲甘雨天下士行被其澤矣
程鉅夫以墨一丸授之曰文章正印今屬吾子銓曹
以士論所歸特除湖廣等處儒學副提舉未上延祐
六年改國子助教陞博士前後在弟子列者千餘人
業成而仕後多知名泰定元年擢太常博士時方承
平稽古禮文之事次第並舉遇有所設施必俟貫論
定柄國大臣欲以其祖配食孔子廟衆莫敢忤貫毅
然却之有神降於洛長吏列上禮部乞加封號貫謂

神姦鼓民不治將亂空下所部禁之禮部如其言沅
州貢包茅茅輕舟易溺貫請附他貢物以輸監察御
史馬祖常薦其才可任風憲章再上不報三年出提
舉江西等處儒學新龍興郡庠復東湖書院侵田聘
名儒爲學者師士風大振他書院未籍於官者亡慮
數十舊設主領以司出納多行貨求檄至則乾沒爲
奸貫盡罷遣分隸所在學官提舉朝夕膳歲進米八
十石皆取於諸生廩餼中貫却不受後莫有追襲其
弊者南康倉吏坐飛糧株連逮繫者百餘人省憲二
府檄貫訊其獄鈎摘隱伏所平反甚衆秩滿歸杜門
著書者十餘年至正元年召爲翰林待制兼國史院
編修官會貢舉法復行浙江行省中書留主文衡至
二年夏四月到官僅七閱月疾卒年七十三集賢大
學士吳直方國子博士吳師道經筵檢討危素共經
紀其喪學者私謚曰文肅先生貫器局凝定燕居默
坐端嚴若神卽之如入春風中孝友本乎天性弟實
出爲人後遇之有恩不翅在家者生平以獎進人才
爲已任人有一善諄諄稱舉惟恐不聞與崇仁虞集
豐城揭傒斯義烏黃潛齊名號之曰四先生善楷書
工篆籀妙處不讓李陽冰兼能鑒定古彝器書畫而

別其真贗所著書有文集二十卷別集二十卷字系
二卷近思錄廣輯三卷金石竹帛遺文若干卷子直
同因孫穎穆穎以蔭入官調永豐尉
吳萊字立夫年四歲其母盛氏口授以孝經論語及穀
梁傳隨能成誦七歲能賦詩方鳳見而奇之曰此邦
家才也初母夢神人飛來而生子因以來名至是鳳
取南山有臺詩語更名曰萊族父幼敏家素多書萊
每私取讀之幼敏從旁竊窺乃班固漢書也指谷永
杜鄴傳謂曰汝竊觀吾家書能誦此當貸汝罰萊琅
然誦之至終篇不遺一字幼敏以爲偶熟此易他編

皆如初因盡出所有書俾讀之方鳳時寓幼敏家嘆
曰明敏如吳萊雖汝南應世叔不是過也乃妻以孫
女而悉以其學授焉萊自是該貫古今無所不考年
未冠以朝廷有事倭夷撰論倭干七百言論議俊爽
識者謂有秦漢風延祐七年萊年二十四以春秋舉
上禮部尋以所言不合於有司退歸松山中益窮諸
經之說用功既浚所造愈精閒有論著絕出於庸常
數等翻閱子書百餘家辨其正邪駁其僞真援據皆
的切可傳四方學者一時多師之重紀至元三年監
察御史許紹祖以茂材薦署饒州路長蘗書院山長

未行卒年四十四初萊好遠遊嘗東出齊魯北抵燕
趙每遇中原奇絕處及昔人歌舞戰鬥之地輒慷慨
高歌呼酒自慰頗謂有司馬子長遺風及還江南復
遊海東洲歷蛟門峽過小白華山登盤陀石見曉日
初出海波盡紅瞪然長視思欲起安期羨門而與之
遊由是襟懷益疎朗文章益雄宕有奇氣嘗謂人曰
胸中無萬卷書眼中無天下奇山水未必能文縱能
亦兒女語耳萊精識絕倫自秦漢至於近代但舉隻
簡片削必能別其爲何代人作或怪而問之萊曰辭
氣音調世有不同人自不深察耳工詩賦尤善論文
嘗言作文如用兵兵法有正有奇正是法度要部伍
分明奇是不爲法度所縛舉眼之頃千變萬化坐作
進退擊刺一時俱起及其欲止什自歸什伍自歸伍
元不曾亂聞者服之晚自號曰淡裏山道人因稱
之曰淡裏先生所著書有尚書標說六卷春秋世變
圖二卷春秋傳授譜一卷古職方錄八卷孟子弟子
列傳二卷楚漢正聲二卷樂府類編若干卷唐律刪
要若干卷詩文六十卷他如詩傳科條春秋經說胡
氏傳考誤未完門人宋濂等初議私謚曰淵穎尋以
爲未稱更謚曰貞文先生子士諤士諤士諤金華縣

學教諭

明

張元理字伯循與兄元仁俱自少以聖賢厲志居恆言笑不苟動循古禮冠三加婚親迎皆流俗所曠見嘗慨然思繼香溪仁山之學負笈就章文懿懋之門上而性命下而訓詁詳析精究濶有得其居敬窮理之要惜皆天不永年力行未熟而一時修士已心折之元理著有師門絃韋畫之所接夜必登記常語人曰吾心覺妄動時費許大氣力隄防始知制心難於制虎聞者服爲名言從弟元漢篤學師古言模行楷人謂有元理之風

張元銘字演中讀書有神悟精三易六樂曰樂易無異同損八十一之一分益三十二之三分陰陽變易六律旋宮盡此矣著樂則六卷畱都紳士閱其書曰雅樂不墜在斯人乎僉以幣聘抵京會太史焦宏講明善之學元銘應聲曰明善當以誠神幾三字發之曰繼善成性本體也感於物而心危惟不知識未發之誠不睹聞已發之神介乎隱微而成性存存所謂獨也幾也慎獨而極濠研幾此率性也濂溪之研幾安勉同歸可以言繼成之性善未可必事理之無不善

也宏起而避席稱其見道言也與大理張懋學太常
于正發高攀龍何棟如諸公論樂於神樂觀著原樂
大成復請講易於天玉書院著原易編從游多名士
計數百人過橋李樞部岳元聲出震南兌北圖據易
先後天變化之次力辨其非元聲屈服書卷贈之曰
易樂真儒歸老著三皇五紀以明歷度及地理連山
醫墳款要諸書行世年八十卒

鄭尚藩字良价雲南副使崇古之季子性坦易遇忠孝
大節卓然不移幼從父任東安五載不取一錢事親
逮壯仍如孺慕又念上世同居數代思紹其流風比
分異垂涕者累日在諸生文名大振筆法臻蘭亭佳
境求書者屢相錯也崇禎末年以貢授臨海訓導未
赴而國亡後遂絕意仕進自號天山以見志有薦起
者杜門力謝足跡不入城市三十餘年日坐一龕參
會性理諸書及得王文成語錄喟然嘆曰道在是矣
體認彌年觸處迎刃而解比邨和尚頻書叩證惟以
儒道救正之歲遊仙華寶掌登最高峯悲歌慷慨直
欲起方韶卿謝皋羽吳思齊輩與之上下其議論烏
傷朱淳自負才氣無雙一見而渙然冰釋願入弟子
籍中自此門人日益進矣浙之東西無不知有天山

先生臨卒精神不亂諄諄以綱常名教囑諸子聞者
嘆斯文之喪焉著有龍圖合解太極圖說大學古本
註中庸解靜樂堂詩稿

人物三

忠節

孔子曰臣事君以忠曾子曰臨大節而不可奪人當
太平無事官凜素絲民稱醜酒皆忠也節則不可見
矣其以節著者人生之不幸耳然而別勁草於疾風
識貞松於迥雪是邦自達官以至一介之士氓庶之
微類能蹈刃赴鏖大義凜然記載及此足以見人心

之不死而懦夫置身何地哉志忠節

梅溶

黃震龍附

柳敘

鄭得

張三鳳

金日觀

張操

張龍張虎附

方應時

方大霽附

施廷獻

施廷賢

朱君正

吳尚鉉

張德冠

石景行

石興瓚

宋

梅溶其先吳興人五代時有諱聳者始避地來遷浦陽
寢成大族在通化者為尤蕃溶以儒受薦為單州助
教年七十餘攝松陽丞宣和二年冬盜發青溪據歙

睦遂破杭明年春婺衢處相繼陷兵及境溶勢不能敵死之從子執禮言於朝官其二子敦時敦成敦時後爲遂安令人正其節義書於縣志以表其節
黃仲龍裳之姪震龍弟也兄弟皆登咸淳進士第震龍以養親不仕仲龍官至秘書省較書郎解職家居寇掠鄉里而火其廬以刃脇其降仲龍不屈罵不絕口而死

樓斌字一忠縣文溪人髫年有遠畧私淑倪文卿朴讀其疏草諸書知兵食戰守之策山川險要之處冀且暮得當以佐恢復每聞雞起舞曰中原陸沈豈丈夫安枕時乎聞史彌遠矯詔殺濟王作輓詩哭之有奸雄雖快志骨肉已無情之句詩漸傳播逢彌遠意者逮治斌斌不爲屈會有解之者得釋益潛心力學登淳祐十年進士第累官至翰林說書開慶元年賈似道鄂州乞和以捷聞斌直發其奸章三上似道怒嗾言官劾其誣罔受責傷重疾將革猶賦詩而逝其詩曰空懷濟世安民畧不見男婚女嫁時對策丹墀無進益讀書白屋失支持夢中但覺成冤鬼死後應空作諫尸忠簡已亡武穆逝堪將中夏付相思妻孫氏年少孀守凜然以節著稱

柳敘字元德縣之烏蜀山人高大父瀚曾大父彬大父
蓋皆逸士蓋尤慷慨識大義其著於校諱祈者敘父
也精春秋敘亦以春秋補博士弟子隱居教授語學
者曰開心須誠修身須敬行已須恭處人須恕一時
若方鳳謝翱吳思齊咸師仰之咸淳初由胄監以賢
正任蘭谿縣尉值宋祚將移天下大亂蘭地當衝要
軍興往來居民竄山谷敘精明強毅佐令設策撫綏
鄉城安堵如故時浦山邑尤騷動音問艱阻乃迎祖
父就養於蘭越四年祖亡請假還葬不許遂卜其邑
石屏山之陽而阡焉壬申足被瘋疾告歸蘭民感德
不忍舍去相與築大園於城西構廬以居之敘乃奉
祖母母柩並祔祖塋而敘亦遂籍於此敘係懷君國
念念不忘每朔望靜夜必焚香籲天祈延宋祚德祐
乙亥居父喪結廬盡禫畢語諸子曰人生大義惟在
君親吾生平讀書期無負此二字耳及祥興己卯宋
亡敘聞拊膺大慟曰天乎天乎古有夷齊其詔我矣
遂不復食面對崖山六日而卒卒之日遺命藁葬中
野不封不樹以明國亡與亡之義焉敘生紹定己丑
卒於祥興己卯年五十一葬石屏山祖塋之左子三
昭暘响咸克世其業吳師道爲撰其墓誌銘

國朝乾隆十三年督學使者于敏中按臨金郡題其墓曰
純孝孤忠

明

鄭得字仲載義門人明初以胡大海爲浙江行省中書
開府金華有薦得才者署爲稅課使并參軍事用其
言約束卒伍加惠市廛四方商賈湊集錢幣倍增次
年苗兵蔣英等作亂刺殺大海守宰咸棄官遁去得
急取印券置他處亂兵索印斫其左手得誓曰首可
斷印不可得李右丞在睦爾輩直釜中魚耳賊懼釋
之越二日李文忠赴難賊遁得以重傷告歸卒於家

周煥字克光西隅人博學能文居家孝友嘉靖戊午由
貢士尹福建永福任甫兩月倭寇猖獗攻陷郡邑所
至風靡煥率民兵督戰斬獲百餘級賊憤甚併衆來
攻煥勵志堅守月餘力竭食盡外援不至猶披甲巷
戰死之家人死者八人福民白於官立祠特榜曰忠
勇仍移檄浙省從祀鄉賢

張三鳳東隅人膂力過人從軍以功陞溫州衛揮使調
往朝鮮征倭戰於釜山署爲先鋒斬首數十級生俘
十餘人次日復戰乘勝單騎先驅遇伏被擒不屈死
之後邢經畧玠敘戰亡功第一宜廕錦衣爲有力者

所奪止世襲杭州衛試百戶

金日觀字伯玉素負韜畧投筆遊京師効職關東大司馬申用懋器重之拔自行閒己巳薊鎮失守日觀計擒其將復馬蘭捷聞晉秩左都督特進榮祿大夫追贈四代廕一子千戶世襲仍賜蟒玉旌忠勇既而與鄧玘構卻引告歸丙子協守東江明年四月以援高麗血戰不利自剄

張操縣人父子兄弟俱以勇力聞爲畱都千夫長善於馬上運鞭便疾如風江盜畏之呼爲張千觔嘗躍馬過大樹下挾馬空懸樹上馬不能逸也遼事興操督京兵往援擬率千人夜襲其營主帥難之以衆寡不敵而死其死也部下卒無一存者獨以鐵鞭擊殺數十人被矢如蝟毛人方之太平花將軍兄龍中甲午武舉虎中丁酉武舉以勇畧爲時所推亞於操云方應時字朝中通化西塘人鳳後裔也慷慨有爲胸具韜畧由掾曹授江津縣主簿縣令缺署縣事十有二月流寇張獻忠率衆攻城應時團練民兵守禦有方自攝縣後賊來無虛日而卒不能近後令至悉更其守禦之方城陷應時死之初授江津時與叔父大霽偕來應時死大霽念曾授豐城縣尉祿食有年亦遂

逃匿山中慟哭不食而死

施廷獻字達可通化六都人也喜談忠孝學從方大本游大本名賢鳳後居與梅溶執禮同里講學餘談鳳及二梅忠節廷獻與其子大緯輒心重之由貢監授河南盧氏縣丞值流寇殘破邑境知縣擬失印律撫院優廷獻才畧題補知縣團練民兵數戰屢殲渠魁賊怖引去後乘京畿失守益衆襲盧獻堅守月餘無援城陷迫降大罵不屈同妻戴氏子大緯死之士民禮葬於城西十里夾溝之原顏其碑曰忠烈施公之墓崇祀名宦幼子太纘無依有李姓撫繼更名至醇

入

國朝以能文名

施廷賢字元英博通羣籍才識兼優崇禎丙子科北闈副榜己卯授蘄州黃梅縣丞尋署邑篆時值流寇侵擾廷賢豫增雉堞備軍器庚辰春寇泊城見戒嚴引去冬復寇城一月而解壬午陞授知縣會張獻忠破荆襄數郡十月遂圍梅城月餘不下乃陽去十二月二十夜益衆偷襲城陷廷賢親巷戰被執賊敬禮之正聲曰國有民城不能守家有母養勿克終上愧天生下負所學從容再拜北向辭君南向辭親訖奪佩

海江果元 卷之十一
刀格殺數人自刎士民哀之立祠致祭邑紳宛三奇
輩作哀誄以顏常山張睢陽比稱所著有希魯集課
士約言兵防要畧行世先其子伯允割股療親而斃
人謂父子忠孝媲美云

朱君正字子性西隅人祖廷剛號九峯先生父宗周俱
有隱德君正事親孝家貧躬爲藝圃以養夜讀風雨
孤燈非丙夜不寢爲邑弟子員尋食餼欣然曰吾昔
曝烈日中十指勤動而親之養或不裕今則危坐几
案閒而滑甘罔缺豈非國家作士賜哉父卒廬墓哀
號三年如一日講學月泉書院闡明朱晦菴呂東萊

之正學遠近欽其師範崇禎涖極戎馬生郊中原鼎
沸每撫膺曰上之不能設策佐帷幄康濟蒼生又不
能請纓殺賊懸頭顱闕下徒煩聖主憂寧非士恥聞
者嗤之謂儒生迂談逮懷宗身殉社稷君正慟哭北
面再拜曰生雖草莽臣曾叨養士鴻恩敢不自勉丙
戌七月二十二日天未明君正沐浴正衣冠登明倫
堂作絕命詞書紳自縊死其詞曰大明堂堂中外亂
綱雖云天運人實乖張吾成吾仁舍生孔牆愧弗能
濟一死存常昧爽衆見之其元如生遠近聞之皆爲

流涕

國朝康熙甲寅通學籲請崇祀郡邑鄉賢祠

按明史附朱大典傳誤作

張君

國朝

吳尚鉉字惟鼎縣學生有膽畧事母趙氏以孝聞順治

三年歲大旱斗米八錢尚鉉出米五十斛賑濟康熙

十年又旱出穀四百石煮糜以賑開義館於吳溪延

師以教其鄉人宗族康熙十三年閩寇猖獗尚鉉率

先捍禦與賊戰於松邨死之

張德冠縣學生康熙甲寅負母避難山中遇寇義不降

辱賊以利刃扼頸德冠罵不絕口捐軀殉之康熙五

十一年具題奉旌

石景行邑諸生康熙十三年耿賊倡亂蔓延浦邑毛侯

奉憲檄令擇賢能者為團練總使擊之景行直任不

辭變產以佐軍需糾合民兵與駐防洪管岱長子武

生邦河前往破賊通化鄉賊乃遁事平制憲李給扁

褒稱焉孫文楫子可芬並入庠

石興瓚景行族弟膂力過人兼習儒業耿賊之變隨族

兄景行破賊奮勇爭先格鬪而死後事平當事以英

烈義士旌之

人物四

孝友

浦在唐時割烏傷之北部以立縣而烏傷之有顏孝子也史書不詳其里居故老稱縣之孝門橋卽其故處又孝門西五里爲義門鄭氏所居鄭綺孝類於顏開十餘世同居之風意者天地敦龐之氣特聚於是而後先相應若此過其地者低徊不能去浦稱小鄒魯孝弟醇風至於今不替揆厥源流實先民啓之殆孟子所謂奮乎百世之上而百世下莫不興起者乎若夫割股廬墓過情之譏秉月旦者無暇深求矣志孝友

陳太竭

何于齡

鍾宅

鍾明鍾滿鍾文廣金智濂合傳

鄭綺

鄭德珪

鄭德璋

戴珵

鄭文嗣

鄭大和

鄭文泰

鄭欽

施慶附

鄭鉅

鄭銘

鄭鉉

張天錫

王澄

王子覺合傳

鄭渭

鄭濂

黃逢原

黃宿合傳

鄭源

鄭秋附

鄭淵

鄭洧

妻張氏子鄭樸合傳

張壽祖

鄭洪

黃謚

黃瑋

黃保附

黃良昶

黃旻附

黃潏

黃洵黃培附

張孟晶

鄭旭

張永暹

張洵附

張文瞻

倪士華

倪治合傳

鄭宗岱

鄭元曾元

善合傳

張孟景

樓孟憲

樓時程

張孟暄

張元夫

張應沛

樓萼

傅寬

傳文理附

張元珂

趙枋

方學禮

季世修

項思諡

楊天隆

陳應和附

傅文釗

傳文釗附

倪高七

張應標

施伯允

陳希隆

陳茂附

張應懋

方應元

張一經

項元珪

張一尹

鄭應朝

張密

張宇

方應秩

黃應律

吳守儻

陳之璉

黃昌期

鄭爾壽

張啓旭

石文楫

吳尚錫

吳尚鉞合傳

張以敘

王繼旦

樓承順

潘顯順

石邦璫

金廣倫

倪元征

樓洵揆

朱以明

洪孟綱

洪孟綱經洪

孟絰合傳

朱興楚

傅之富

張國儒

金仁梓

唐

陳太竭縣人武鼎之子二親亡卽墓手藝松柏終身衰

麻形質枯悴哀哭弗輟每奠果肴烏鳥不啄

舊志作唐人據

戴良五賢祠記去不知何時人

梁

何干齡縣人四世同居梁貞明六年表旌門閭

宋

鍾宅縣之興賢人淳熙中母病宅剔肝和藥以進病尋愈從子明亦割股療母及明有疾明弟滿又割股療明皆瘳知縣李知退義其事爲代輸稅賦三年宅家嘗三世同居宅之子文厚文廣尤極友愛文廣妻求分文廣恐傷兄心卽出之宅有至行其事親出於天性而非矯揉所致當時有金智濠者母得危疾亦剔肝爲餌方安議者謂宅化之

鄭綺字宗文麟溪義門之始同居者也通春秋穀梁學撰合經論數萬言事父母孝父照以非罪繫獄當入死綺上疏郡守錢端禮請以身代端禮察之白其誣母張病風攣綺保持若嬰兒但適廁必抱就之三十年不懈母嗜溪泉值天旱不得跪溪傍大慟泉忽湧出溢丈餘今溪旁有井號孝感泉是也妻丁氏饋食稍緩母恚丁有後言卽出之重娶阮氏與姒不相能又出之其治家嚴肅不包容一毫非禮如此一日晨起召子姓序立先祠下刺指出血滴酒中以次飲之仰天誓曰吾子孫有不孝不弟不共財聚食天其卽殛之言畢又手植立久而不動就視之卒矣乾道時郡縣上其事詔旌門閭賜號冲素處士鄭氏自宋歷元以迄於明同居者凡十五世皆自綺始宋史著綺

孝義傳中

元

鄭德珪字子潤綺五世孫為人短小精悍髯垂過其胸神采毅然發語必中理鄰族有赴愬者折以片言皆悅服去宋末以才受薦歷官衢州龍游丞與弟德璋孝友天至德璋性剛直與物多忤仇家陷以死罪會當逮揚州德珪哀之佯謂曰彼欲害者我也何預爾事我往析之則姦狀自白即治行德璋追及諸暨道中相持頓足哭爭欲就死德珪默計沮其行遂諾以勿往夜將半從閒道逸去比德璋追至已斃獄矣德璋慟哭欲絕負其柩歸葬廬墓再期每一悲慟烏鳥皆翔集不食

鄭德璋字子振咸淳末諸惡少年嘯聚爲盜抄掠居民以安常平使者王霖龍上其功辟爲處州青田縣尉不赴至元間兵燹之餘耕人鮮少德璋與里中振廩同食全活甚衆鄭氏自祖淮鬻產濟飢家道傾落至德璋後自樹立興起其家而齊之以禮法每晨與擊鐘集家衆謁祠序揖堂中申祖訓退而會食雖家庭凜如公府垂歿子弟環問齊家法乃張目厲聲曰毋

聽婦言遂瞑家法代以一人主家政德璋既歿以兄子文嗣主之自文嗣後相繼主者為大和為文泰為欽為鉅為銘為鉉為渭

戴理字君玉縣感德鄉人風神峻潔超然有前代風吳萊嘗亟稱之當宋德祐丙子惡少年執白挺暮夜擊傷民民咸不能自保理用計安之一境肅然游浙西悞傳道卒母朱哭之喪明理還露禱於天摘冬青葉浸水舐之期年日復明朱歿繼母傅氏生子惠秉家政貲財一聽惠取弗與較惠與鄉井不相能人欲求隙加害理資其行遠仕閩嶠避之從祖母盛氏張氏各生子而寡理養事之盡禮以至其節其子長悉稽前人上田均予之其他敦嫻族惠里黨事甚多終於至正庚寅年八十四

鄭六嗣字紹卿德珪子簡易有識量志在濟人有告糶者諸子方執量出戒之曰當思久執此勿促之其厚道類如此至大閒文嗣以宗子主其家時不裂籍者凡已六世歷二百年一錢尺帛無敢私凜凜如綺在日三年秋九月鄉老黃汝霖等言其事於縣縣上廉訪使審按文達中書禮部四年春二月准式旌表門闈元史以文嗣列孝義傳

鄭大和一名文融字順卿德璋長子文嗣卒大和繼司家事時年已踰七十遇家人益嚴而有恩子弟稍有過頌白者猶鞭之每遇歲時大和坐堂上羣從子皆盛衣冠雁行列左序下以次進拜跪奉觴上壽畢皆肅容自右趨出居武相銜無敢參差者見者嗟慕謂有三代遺風重紀至元元年冬以太常博士擢貫上狀復其家部使者余闕爲書浙東第一家以褒之大和方正不奉浮屠老子教冠昏喪葬必稽朱子家禮而行執親喪哀甚三年不御酒肉子孫從化皆孝謹雖嘗仕宦不取一毫有違家法食貨田賦各有所司諸婦惟治女工不使預家政宗族里閭皆懷之以恩家畜兩馬一出則一爲之不食人以爲孝義所感作家範二卷無子以弟子欽爲嗣

鄭文泰字達卿德璋少子才雄而志銳大德末年飢人相食與兄文嗣鑄大釜鬲日煮糜分啖全活者數百人性介特據直道行不肯持兩端保州里如家數十里閒黔髡盜販無敢入其境撫家一以慈書忍字懸置各室使相雍睦其家自淮毀產拯荒甚貧後漸裕德璋始大振迨文泰愈盡心不懈凡山林陂澤園田室廬得以斥拓資義聚者文泰功爲多

鄭欽字子敬文厚子繼爲大和後事大和極孝謹大和好學欽左右之得一言必籍記力行之本生父病醫言人血能治欽刺血和藥以進母病熱頂灼臂以顛天者凡三及歿仍爲服三年喪欽嗣文泰主家政有才如之恢其宗愈光茂家屬二千餘指視之如一或有疾夜六七起亞旅輩咸感激盡力廣田三千畝建嘉禮莊貯其歲入以給冠昏喪祭之用其於疏族則有續食之粟禦凍之衾勸學之塾鄉里則有推仁之財免利之穀庇窮之屋廣孝之阡嘗曰民吾同胞憂樂其之可不盡心乎或有難奮身救之相爭不決得片言卽解欽喜於聞善應機如丸有誤輒自訟其名故人樂告之以善家後古槿大十數圍欽每游息其閒以青槿居士自號有僮曰施慶薰於其德善事親得美味卽歸遺其母執親之喪三年不御酒肉御史王餘慶書孝童以褒之

鄭鉅字彥宏欽從弟也其父文轟字震卿遇物寬宏鄉稱善士早世鉅奉母黃盡孝母歿出寢於外三年哀慟無晝夜性凝慤而冲夷其與物交防範至密諳練至精而於羣從之閒傾誠以相周旋故皆得其懽心從父文泰領家事益以義亢其族特善鉅鉅每侍左

右操其權度裁之繼及欽欽亦惟鉅是友欽歿鉅以次長其家確守成法如執玉持盈惟恐有愧前人然所見一定雖羣言沸騰不可奪由是內外政皆治又嘗和善藥起人夜半有告急者卽起應之

鄭銘字景彝鉅同母弟面目嚴毅不妄言笑與金華胡翰同受吳萊春秋三傳之學晝夜相切摹凡內聖外王之道古今事會之變無不講覈及之事母黃至孝母嗜鯪魚雖卒不可得必徧求之曾有疾益思得魚適獲魚疾遂以瘳及居母喪三年不食肉聞樂出入鞍轡亦必以布裹之奉諸兄如嚴父進退執禮甚恭不命之坐不敢坐初銘爲遵塘張氏贅婿張翁無子旣耄欲以資產屬之銘請畀諸族子辭再三不可姑受其三之一翁亡銘獨經紀其喪兄鉅歿以次當長其家羣從固請泣告外姑歸籍所得翁之田廬悉歸於公復自念久居於外不親家事能負荷者莫如從子渭爲文告先祠讓之渭亦固辭因虛其席年六十二卒銘善古文辭宋濂稱其尺幅宏而體式備莊凝峻潔絕似其爲人鮑溪水惡春漲多溺人銘架石橋其上鄰氏子母老無養給其衣食終身人又稱銘惠人云

鄭鉉字彥貞文泰子自幼沈毅端慤朋儕聞不狎侮一語人有易己之言自責自勵惟恐如之既壯嗣主家政躬躬畏謹雖甚勞勩勿懈父病在枕席妻卒不敢哭強顏乾笑以奉湯藥竟不使之知後八日父亦卒慟哭三日鬚髮爲之盡白既終喪或勸更娶不聽出游燕都揭傒斯黃潛皆折行輩與交論文談詩或至達旦一時士大夫見其方嚴皆敬憚之仲子泳講授脫脫太師家鉉爲書數千言進陳時政之弊脫脫多採行之居嘗與參政忽都魯沙游忽都子爲武義宰免官畱武林貧不能自存鉉延其家十餘口來浦江給衣食三十餘年元季兵起大將入其境者每相戒無犯義門樞密判官阿魯灰率軍五萬一夕驟至奪民廬舍以居二十里內雞犬牛羊盡敝鉉往說之曰明公非太師偏裨乎太師征高郵尚以無罪去國況明公士卒恣行乎脫脫有一人言於朝不識明公何以處此阿魯灰愕然請解免計鉉曰是不難浙東據山阻海其民頗柔馴易制明公能撫定而緩輯之俾他兵不敢東向執政柄者行且錄明公之功矣阿魯灰曰非公不能聞此言命左右致束帛以謝明日下令啓行一軍肅然未幾明兵取婺州鉉移家避入諸暨

清江縣志 卷之十一
左丞李文忠統兵來過嘆曰此義門也今世罕見之
躬爲扇鑰而去事平遣帳前先鋒率兵護其家歸人
以爲鉉積善之報云

張天錫字君與其先世自清河遷居浦陽祖夢龍父一
寧天錫自成童輒知孝敬日趨大父母父母側問衣
寒煖而進退之既長益推錫類之仁九族有勿振者
時卹其匱乏復懼族遠情疏築堂南山麓爲敘拜族
飲之所長幼之節粲然不紊每掃先世諸塋必以其
所葬某府君名行暨支系本末歷告於嗣人曰吾髮
種種矣苟不言爾等或有所不知乎平居正襟危坐
終日不妄動撫世接物一以誠有犯之者任其轆轤
而耳如無聞尤不喜以疾言厲色加於人人愈愛慕
之雖僮媵亦從化俯首趨功驩如也至正初有藩王
慕其醇謹辟爲營田總管府治中辭不赴終老田野
卒宋學士濂勒其墓門之版曰一鄉善士

王澄字德輝宋太常少卿王萬元孫也澄以忠厚爲家
歲儉出粟貸人不取其息州里愛戴若父兄年七十
三嬰微疾集家衆言曰麟溪鄭氏合食其居久而彌
篤汝曹能如之吾瞑目無憾矣言訖而逝澄有子三
人日子覺子麟子偉各有子共八人曰應念憲懇勲

慶念恩應等又各有子且二十人矣子覺與二弟合謀召諸子孫謂曰一體之分散爲九族收族而聚居是謂敦本離宗而自矜是謂乖義吾父有遺言欲法鄭氏今其家法具在吾將損益而行之如何應等踴躍從命參定家則一篇計一百八十四條皆遵而行之明洪武十四年省鄭湜爲左參議命舉所知湜舉同郡王應等五人皆授參議二十六年命廷臣舉孝悌敦行者補東宮官衆以浦江鄭氏對太祖曰聞其里更有王氏乃徵兩家子弟鄭濟王懃赴京擢爲春坊左右庶子應卽子覺子懃子俾子也義門王氏之聲遂埒鄭氏

鄭渭字伯陽鑑子行長而賢從父鉅卒羣推銘主家事銘自念久不親習讓於渭渭固辭不得乃以家更繇出納諸繁重事身獨任之仍奉銘理其綱歷鉉及已三十年戴星出入不憚其煩元末行省大吏嘉其純篤欲辟爲從事辭不就明初定賦郡田一斛驟增其半渭走白當路得蠲除縣官或踵門問政陳說利病民多陰受其賜疏族有早孤者收鞠於家斂其租入待其長而悉歸之渭凡事宅心厚而接物誠持是化行鄉里無賢愚貴賤率皆信服呼之爲長者年七十

二以洪武十年卒

明

鄭濂字仲德滑同母弟嘗遊九華

舊志作藍

山采苓注藥自

號采苓子濂處世八十四年主家者十有七年自成童至老言必信行必篤與遊君子若宋濂胡翰王禕諸公莫不推以爲賢嘗受知於明太祖家多田推擇爲糧賦長詣京師太祖召見問治家長久之道對曰謹守祖訓不聽婦言帝稱善賜之果濂懷歸剖分家人帝聞嘉嘆欲官之以老辭時富室多以罪傾而鄭氏數千指特完濂之力也會胡惟庸以罪誅有訴鄭

氏交通者吏捕之兄弟六人爭欲行濂弟湜竟往時濂在京迎謂曰吾居長當任罪耳二人爭就獄帝聞之曰有人如此肯從人爲逆耶宥之擢湜福建布政司參議而以所徵貨全歸鄭氏濂感帝恩每帝生辰卽捧香詣闕下拜賀帝喜命與顏曾子孫來朝者同列當世榮之子彬以工詩見稱於時

國朝勅修明史以鄭濂冠孝義傳首

黃逢原字資澂合溪之以同居顯者也黃氏自宋爲詩書家嘗有仕者不大著而以積善稱元至正時名珪者生三子其二曰隆曰生隆住一子爲逢原生生二

子曰逢吉字資善曰逢昌字資文逢吉長於逢原而逢原爲宗子兄弟友愛無間言各有子共十餘人同財共爨立約以齊內外爲訓以飭羣從應酬庶務率諸子姓而分任之一錢尺帛必咨稟而後行於是以其條教饒諸石子孫遵守莫敢踰越縉紳多爲文詞以彰其美宋濂作義門銘且以餘慶名其堂其後同居者凡七世逢原子宿字仲昭從學於蘇伯衡又遊宋太史濂之門以文詞稱洪武丁卯伯父逢吉以非罪名隸重籍宿挺身代行死於法鄉里哀之宿子洵敏而好學亦以文詞名士林云

鄭源字仲本父鑿以和厚見稱早卒源隱居元麓山采藥修餌以濟人明初駐軍婺州軍餉不繼勸閩右輸助郡守王宗顯以私憾視他姓十倍徵源家從弟漢被械繫督責源聞趨赴願以身代不許號哭於庭宗顯爲緩其徵後從弟渙以家賠納猶督責金銀不休曝於烈日源又往請代不允卽自解衣立赤日中或杖其弟則以身覆之人多稱其義子秋字叔譚宋學士濂之壻詩文俊雅有學古齋集行世

鄭淵字仲涵鉅長子事親極孝母疾侍湯藥逾年不離側病革思食西瓜旣食而卒淵見瓜輒涕泣終身不

忍食之因念母不置得贖疾後父喪哀毀骨立三年
服除猶癯然不勝人事凡遇忌日先期齋素七日至
期哭奠如初喪沒身不變當兵亂有士夫來託者接
而禮之寒者與衣饑者與粟建洞溪橋造潮溪舟以
濟涉者家衆有疾一夜三四起死喪必身先任之師
事宋濂恩義猶父子又嘗登柳貫黃潛吳萊之門絕
意進取以古文辭自娛著書明道授於學者有遂初
集十卷續文類七十卷宋濂表其墓曰貞孝處士

鄭洵字仲淵同母弟言行謹愨立志以古人自期受
業宋太史濂籠雞寢側雞鳴卽就學夜至二鼓不休
晝通貫聖賢經訓尤精於朱氏詩傳一以誠篤恭慎
爲本而以忠孝禮義訓飭諸子洪武十九年詔天下
度田繪疆畛爲圖命太學生泄其役有以賄敗者事
連糧長兄濂名在籍將行洵曰此行必不返兄以八
十之年行數千里死於法鄭氏爲無人矣吾得死於
義不媿揚州祖也遂代詣吏自誣服竟死金陵縉紳
哀之私諡貞義處士所著有師古齋藁妻張氏諱瑞
字柔貞女德婦道咸著內闔嘗避兵諸暨樓子塢鄰
火將延寓舍衆皆趨避長婦周氏臥病張方侍側或
勸之行曰吾忍舍姊而自求生乎號泣籲天已而大

兩火焰遂滅人以為義感長子櫟字叔悅懷才負氣
訥於言言必中肯綮洪武乙丑義門為人誣指寄鈔
以無主名或難其行櫟遂任以往已而得釋眾皆稱
之喜鼓琴宋太史偕諸儒數過麟溪必令鼓一再行
焉次子柏別有傳

張壽祖字伯樗性至孝早喪父獨養母母患乳癰不得
潰壽祖以口吮其毒母亡哀毀骨立洪武二十五年
以耆老召赴京歷事戶曹後除襄陽光化知縣卒於
官

鄭漢字仲英初嘗仕元為浙江行省宣使兵亂棄綬歸
時家眾每避兵在外漢獨留幸鄉人守之復時遣人
致食物以安眾心家得殘破濂沒漢繼主家事數
年建文帝表其門漢朝謝復御書孝義家三字賜之
燕兵既入有告建文帝匿其家者遣人索之漢家廳
事列十大櫃五貯經史其五貯兵器以備不虞使者
至發五櫃視之皆經史也遂寘其半不盡啟乃免於
難人以為至行所感云

黃謐字君靜宿從子也同宿受業蘇伯衡以孝友稱父
隆字伯茂被仇家誣搆當詣京師謐往訴其冤勞苦
而卒謐素在鄉里間慷慨好義忿爭則平之以理飢

貧則賑之以粟人多德之既死涕泣迎其喪者甚衆
子良嗣良肱良顯皆勤敏有爲良昶見別傳

黃瑋字均璧裳之後裔也事親孝父陶字伯成以累當
赴京瑋請代行使議充廣西軍瑋任之告歸取行賞
瑋子保又請代之既而從征蠻寇沒於陣

黃良昶字孟舒性孝友痛父以搆難死寢食不忘事母
石婉容愉色曲盡其歡母年八十餘左右侍養如一
日兄良嗣以非罪械繫至京師良昶從其行詣理代
服當事義之俾贖其罪而歸人皆稱賢次兄良肱良
顯皆早亡良昶喪葬盡禮教育諸孤如已子門戶之
應稅賦之供皆不以畀之子旻字子西聰敏好學與
鄭柏從姪煜友善聞煜語柏所著賢達傳卽過麟溪
觀其書歸請於父募工刊於家塾人謂旻有表章之
功

黃麟縣合溪人九歲喪母朝夕哀號得喘疾比年二十
三父當遠役麟請代父憐其病欲遣兄滋往麟曰寧
有兄遠赴萬里而弟安處室廬者乎固請許之間關
跋涉疾劇竟死於途滋往收骸莫知其處衆深悼之
其族人洵字永叔借鄭清逸隱居著作尤工詩體髫
年父死非命悼慕終身自號抱戚子又培字仕茂出

洵之門嗜學好吟亦以孝聞俱有潏之風焉

張孟晶字克爽父以累當戍孟晶請代冢宰張瀚義之得白其事弟旻為諸生不務生產室燬晶析宅居之讓以產之沃者時湖州等處災議撥金華折米以輕其賦歲增運本色二萬餘郡守劉公樂張公鉞姚公文炤相繼爭之不得會御史行部孟晶與同郡千餘人往控御史叱收之眾俱駭散獨孟晶及永康應全金華申冕進白幾斃於杖終得達情申奏勘還折米四萬餘石郡人勒石誦之後以子元諡貴封虞衡主事

鄭旭字允初襟懷豁達善記誦敦孝友正統間括寇犯浦旭家被掠室廬盡壞旭修舉之一門數千指賴以復所天順己卯家人勿戒於火旭籲天泣曰寧禍吾身願無及家廟火遂熄既而火復作家廟歸然獨存人謂旭誠孝所感私諡貞義處士

張永暹字彥質東隅人幼孤且貧而志卓越嘗告其祖仕律曰家道以和成吾邑多義門可無傲乎洎娶有妻資遂出以與其叔叔懸及兄弟輩共生殖漸致饒裕尺布斗粟咸無所私祖晚年有妾生子不欲舉永遷急舉之奉之敬謹未嘗廢季父禮家眾千指食爨

五世不析性好施創義倉以賑貧乏置養賢莊以禮
士嘗出穀千石佐軍興宏治間旌其門曰敦義有從
子洵孤貧遇賓筵珍饌必懷以啗母永遷嘗召客飲
客醉失金杯洵適懷肉頰赤遷疑匿杯也止勿索客
醒告杯處衆方歎服後遷每宴爲設兼饌洵母性峻
少不快洵必長跪膝前解頤方起人咸稱之

張文瞻字廷望天性孝友嘗以已私產讓弟延名師課
諸姪及族之雋者族素務農至是乃得以明經成名
一時推其行義以爲無媿永遷云

倪士華通化人其先出若水後華少孤贅蔣洪家洪愛
之遂無意育子士華曰異姓不可承祧也買陳氏女
進之踰年生二子士華盡挈千金之產還之歸理父
舊業業日饒宣德間歲飢輸穀五百石正統間飢又
輸穀八百石當事義之裔孫治生七月而父鏃卒母
蔣撫孤以節著治事之孝迨母卒不入閭闔者三載
性謹達好施予嘉靖間絕丁爲累治爲白長令蠲焉
後以仲子尚忠貴贈順德知縣

鄭宗信字世登鏗次子從學於蘭谿章懋偕兄宗瀾俱
以孝友稱以貢仕西華尹初繼寡姑更姓許年十三
慨然曰吾豈可以莒而鄆耶請姑別置嗣棄千金之

產來歸其愛慕寡姑則終身焉為諸生與從兄宗夷俱有聲宗岱以序當食餼請讓宗夷督學義之允其請宗夷後亦為英德尹岱雖仕西華性廉潔且多子女婚嫁不支多假貸子元會元善竭力經營為償數千緡不以累人行誼著於鄉令長文公元發以清望別奸弊緡紳不少假獨折節下之邑有大事必就咨訪適有丈量之役委難其選屬元會事竣一邑稱平戊子歲禮元善罄貲以賑殍殍活者千計從子崇陞為繼母所逐元善攜歸撫育卒得成立其慷慨尚行義類如此元善以子崇岳貴贈中憲大夫思南府知府元會子崇倫為邑庠生亦儻好施

張孟景字克昇以拔貢授無錫主簿當道薦之將例轉因父老母疾告歸養父年九十九景亦六十餘寢膳儀節無少間時文元發為浦江令嚴毅少許可特旌其門曰純孝萬歷丙申大飢邑令勸貸孟景首發粟為倡又時備饘粥以贍不能舉火者晚年以德望屢舉鄉飲賓書懲忿窒慾慎言語節飲食十字自勵年八十有六卒

樓孟憲字惟章少儻好學居家以孝聞弱冠補弟子員督學方山薛公稱曰楓山大業在是矣赴省試聞

父疾革重繭抵家哀籲無所不至父沒日以兒時嬉
戲事娛其母且勤課幼弟冀其成立以慰母也母老
病牀褥者歲餘衣不解帶居喪骨立有古棘人風萬
歷壬寅領鄉薦弗上退與其子姪講明楓山氏之學
人謂薛有蚤鑒云

樓時程字鵬甫少孤孝事祖母慈撫穉弟營先兆剏祠
田獨出妻奩數百金任之萬歷戊子大禮縣開賑赴
支者途遠多殍程爲粥以濟焉善楷書并畫

張孟暄字克和少穎敏強記師事姚江王琥琥陽明先
生高弟也朝夕切磨講明良知之學著有山堂初學
記性至孝執父喪三年不飲酒茹葷事母備極承歡
生平仗義嘗捐金爲邑學濬湖爲金衢嚴三府豁濫
賦鄉人誦義後以母與弟孟暄相繼逝哀泣成疾卒
萬歷四十五年邑令黎宏道上其事崇祀鄉賢祠
張元夫字伯遇暄從姪也父孟恂攻舉業弗售戒其諸
子曰人生耕鑿之外詩酒亦足自娛何用尚事帖括
爲元夫唯唯乃陰與其兄伯啟夜讀書清晨侍膳父
側父未之知也未幾爲弟子員補廩餼人始識其爲
善承父志已而父故終喪不御葷酒事寡母未嘗離
寢側母病刲肉療之者再比母以壽終服闕應貢選

官常山司訓擢德平王府教授德平父子舊以廢立
故有郤元夫開陳大義率皆感化明年致政歸葺祠
宇置祠田建小宗祠瀕死屬其姪孫一琳曰吾生平
止以尊祖敬宗爲念子其輔吾志吾瞑目矣卒年八
十有二

張應沛字汝霖父國子生元京俊才早逝應沛僅九齡
居喪哀毀動循禮度觀者器焉痛父賣志以沒逢忌
辰輒流涕竟日奉孀母備極承歡二弟潞澤襁褓中
撫之成立合爨四十年比析自處其瘠妻鄭同心以
所有妝奩嫁小姑析時姑命償數百金辭不受應沛
以貢授太湖簿郡守廉重之委署潛宿兩邑符威有
循聲陞費丞數月聞仲弟故恐傷老母心急告歸哀
痛成疾卒於塗喪歸遠近畢赴楊太史守勤爲表其
墓曰孺孝

樓萼字守春宋說書斌之裔少敏勤學弱冠餼於庠早
喪母事父及後母至孝授徒脩脯悉致之親親命所
與則與之未嘗有恠色父卒逢忌奠必嗚嗚而泣萬
歷癸酉當歲薦以後母病不赴有司列狀上督學旌
焉母服闋始謁選官四明司訓擢泰興諭明年致仕
歸屢推鄉飲祭酒所著有強吟集

傳寬字孟宏感德人少負膽智甫冠父遭仇家陷以重
辟寬請代行父不許寬曰緹繫幼女能詣闕上書矧
男子乎遂往榜掠無完膚猶伏地咄咄訴辨卒白其
冤後御史廉狀壯之爲綽楔以旌其孝居恒奉二兄
甚恭嘗以已貲十塋兆悉與兄共其克讓多類此有
孫文理蚤喪父一弟繼逝家故窘文理生殖致饒撫
孤姪如已子析產絲毫無所私以入粟授粵衛參軍
聞母病掛冠歸剖肱以療之母愈遂終養不出焉從
弟亨蒙慷慨仗義有文理之風

張元珂字伯鳴少負殊穎弱冠補邑庠勵志攻苦自以
科名力能拾取特恐識固學陋見羞士林遠負笈從
了凡先生學三年會父孟鶚寢疾歸侍湯藥夙夜傍
牀側父曰曷以我墮子業跪曰大人未愈方寸亂矣
何能讀書且人綱人紀豈必丹朱其轂乎一衣一食
必親奉之暇則細究醫書討脈理於叔和問奇方於
丹溪原禮延名師以求必起丁歲大祿傾所貯穀入
百石首倡賑粥又多修良劑以療貧病保及其父幾
二十年乃歿元珂猶以不能延親壽自罪而鄉評則
謂非孝子莫能致也元珂博綜古學不喜讀非聖之
書推測河洛本大易張子太極圖說著三才要畧繩

身指掌諸書子應懋別有傳

趙枋母病三年衣不解帶既卒括寇入境人皆逃匿枋獨扶柩痛哭寇亦哀之不敢犯

方學禮十七都人少孤母多病甘旨湯藥靡不曲致爲掾吏給繇當赴京戀晨昏不往當道獎異之母終瘞黃源山結廬墓左荒莽幽阻豺狼出沒終不罹害人謂至孝所感

季世修西隅人奉親盡孝親歿葬陳塢深山結廬墓旁每夜滾繞坐而哭童僕隨者莫不哽咽下淚

項思諭家十都備樵爲活養寡母膳羞竭力曲致凡遇山澤珍鮮必市歸供養母患瘋疾三十年歲歉難給賣妻以終養迨歿廬墓終身衰麻云

楊天隆

省志作龍

鐵工爲業母病聞割股可瘳卽引刀割以少復口銜鐵鉤摘割方寸和糜以進母食之愈後三年病如初復割復愈有村豎陳應相聞其風母病藥不效亦割股進之而愈

傅文釗字國遠縣之感德人早孤事母極孝母病五月侍湯藥頃刻不離洎歿居廬三年不入私室伯兄早逝撫孤姪如己子均延師課之有成僮好施族屬之貧者歲終量給錢米文釗家不甚裕人益多焉其

仲兄文鉞與之同心孝友鄉評兩重之

倪高七家貧克孝夏月出浴獲金橋下招覓其人還之
人求均分毫不取或詰之曰何不少取以供甘旨答
曰子職自有當竭處倘人因財喪命是吾造孽貽親
也聞者嘆服

張應標字汝準四歲失母卽知哀泣茹素及就傳每言
及涕洟不已師吳彥邦奇之妻以女後父病侍湯藥
朝夕未嘗離側顙天願以身代割左臂肉鼎臠以進
父病得痊爲人輕財好施與偶得遺金於路攜歸封
識覓其人還之

施伯允字長孺幼穎異善屬文邑令蘇公奇之性尤至
孝七歲從父廷賢讀書於杭之仙林寺父患疫垂斃
伯允泣禱迦藍夜夢一青衣指寺後桃樹云此杪能
治爾父覺取進服之立愈母陳寢疾割股療之者再
竟以股瘡創甚發痘疹遂不可治族人哀之

陳希隆六都人孝子太竭後裔也家貧竭力事親母病
多方醫治弗效叩天代命割股療之得以承年嗣是
孝道聿彰當事自巡按以下旌獎交集子茂卿亦善
事隆里人咸稱孝子仍生孝子云

方思文字汝理通化之西塘人年十三大父仲寶患閉

濁江縣志 卷之十一 三
溺百藥無功醫曰術窮矣難復生也思文與他孫十
餘環侍左右聞醫言獨徬徨流涕籲天哀禱願以口
代藥遂踞膝前吮吸數四至口腫出血不肯少休大
父曰吾病不瘳數也九京之下保汝後嗣榮昌後父
玼病嘗藥請代一如事大父焉人謂其能孝昆弟四
人思文居第三平居食必共席遊必同方晚得吉地
思文不欲自私令兄弟共厝之曰吾與兄弟生同懷
死同墓形骸共處魂魄相依此天倫樂事雖死猶生
也人謂其能友生四子長大本補邑庠有文名亦以
孝友聞次大奎大光大暉皆有孝行榮莫甚焉大父
之祝豈虛哉

張應陞字汝晉性篤孝友行尚謙光髫年入邑庠每試
輒冠軍事母寒暄必問飲食必親撫孤姪成立讀書
僊華之麓出笥中書籍朝夕談論曉以古聖立身制
行之本子一兆以選貢授江西寧都令應陞在任所
勉以慈祥助以清介遇事必裁決乃行政聲大著既
與二三黃髮詩酒陶情膺封誥累舉鄉飲大賓人皆
矜式年八十三卒

石東華字環岡生而至孝七歲失怙哀痛泣血事寡母
曲體承歡家故薄有資產每爲豪右所侵攘邑侯文

元發直之且嘉其母子節孝旌表其門將其家所有
鐫板連爲三籍一貯縣一存本族一寄周親絜絜孤
寡始獲卽安母病二載東華抱持如嬰孩顛禱請代
得膺壽考中年業頗饒賑飢焚券創祭修祠多作善
事鄉里德之郡邑屢致賓筵年七十七卒
張應懋字汝功元珂子也恪守家範道履清沖讀書喜
性理大學衍義諸書雜學非所好也雖富厚不驕淡
然自適後母病夙夜不離寢席御湯藥期年如一日
妹適樓孝廉子厚爲發遣不異同生邑里謂孝子之
不匱也

方應元字朝乾鳳之裔思文之孫也性誠懋尤篤於孝
行幼喪母三年未嘗展眉安厝後獨廬墓旁祭祀輒
嗚咽終身如之遠祖鳳遺稿將湮捐資鐫板以傳每
於困苦告貸者還券以卹之湯溪孔道有山迴鋪夫
馬蠡午當役者將逃乃助田以給工食人爲立碑尸
祝至遇飢荒則施餽粥逢險道則濟橋梁郡主吳公
聞之薦膺賓筵爲士民矜式焉二子璽舟俱補邑庠
張一經字尙明東隅人弱冠補邑弟子員性孝少失怙
祖母周母吳二氏孀居家日落有弟四人勉營婚配
皆給於館穀合爨三十年薪米獨任內外無間言天

啟改元長子德驥舉恩選遂以舊業讓弟而獨構室
奉二母間視必周不解衣帶者歷數十載吳壽八旬
周壽至百歲乃卒一經哀毀甚未幾亦卒

項元珪字汝瑞號楚白生三歲嫡母生母相繼沒元珪
晝夜號哭不絕聲及長授書通解大義然不屑屑章
句期於敦行而已明天啟中奉父命援例輸粟崇禎
初授廣東州吏日以父懷溪老病不之官親調藥飲
扶挾起居衣不解帶臥不安席者前後五年嘗焚香
祝天請以身代復南向拜禱曰珪聞濟萬人之生者
可延一人之生願竭力賑施爲父請命適歲大祲道
殍相望元珪設粥糜以飼飢者市藥餌以療時疫收
瘞暴骸施舍棺槨凡利濟之事行之周三歲父病果
愈其誠孝所感如此後父卒元珪哀毀骨立廬墓終
喪未嘗一御酒肉事繼母邵亦盡孝如本生母士民
咸稱道之

張一尹字尚佐父應貞爲邑諸生爲族人所誣羅織成
獄一尹年十七代父陷囹圄雖膺縲紲未嘗一日廢
讀也新令吳應台聞書聲異之廉知其實時方初夏
報獄中菊有黃華逮原証一鞠得白其冤取其文閱
之批曰匹夫發憤爲天下雄如子者可以發憤矣一

尹愈專心力學是歲補弟子員尋食廩餼一尹有奇識生平論議侃侃見義勇爲垂卒惟以治家課讀爲訓云

國朝

鄭應朝字國聘性至孝父歿廬墓三年生母黃氏選疾躬嘗湯藥衣不解帶者六十餘日及歿三年不御酒肉不聽音樂事繼母鍾氏色養備至無異所生崇祀鄉賢

張密順治甲申奉父避難山中山賊忽至家人悉奔竄密負父匿叢莽間與賊遇欲加害密呼號以躬衛父受賊捶擊血透重衣氣幾絕猶手不釋父賊感其誠相率散去父子俱得全父患疽百藥無效密爲吮其毒始得愈縣令表其閭曰純孝之門

張宇字尚心邑諸生性純孝凡可以奉親者事不辭難父患癰百藥罔效宇焚香祝天跪吮之乃得愈康熙二十二年題旌

方應秩字朝音父大奎性嚴肅應秩先意承志曲盡心力母周氏卒廬於墓所寢苦枕塊哀毀骨立不御酒肉者三年後居父喪如喪母時遇祭辰輒悲慕號泣

雍正八年題旌

黃應律合溪人篤於孝友家貧與兄應德同養親以兄
習舉子業恐其分心力耕自任父疾哭泣告天願以
身代及沒哀毀骨立結廬墓側三年不御酒肉母趙
氏性嚴急應律時時曲體務得歡心迨母歿悲痛廬
墓一如喪父時山谷多虎里人屢勸歸終不許惟泣
謝焉乾隆四年 題旌

吳守儁邑人孝思純篤出於天性甫弱冠值甲寅闖寇
之變家人逃匿祖母方患病守儁與父侍寢側寇突
入縛父索金帛守儁傾囊求免猶不許舉刃將加父
頸守儁慟曰與其喪父而生母寧抱父而死遂以身
翼父首觸賊刃求代寇乃並釋之焚其廬而去守儁
扶父起急負祖母出乃獲生全後祖母壽至九十父
亦至七十一而卒里中讚歎其事至今不衰焉乾隆
九年 題旌

陳之璉字殷重政內鄉人邑諸生善體親心凡父母所
欲爲必竭力以奉其志遇疾病衣不解帶久而不衰
歿後廬墓三年終身哀慕不輟乾隆九年 題旌

黃昌期字際盛邑諸生孝子應律子也少失恃悲號盡
禮育於祖母趙氏迨祖母歿隨父廬墓側孝思一如
其父焉事繼母曲意承歡父患噎醫藥罔效昌期遍

訪名醫獲奇方父疾乃愈性好施予當康熙丁酉巳
亥間歲浔飢出粟倡捐全活甚衆月泉書院傾圮捐
貲修葺至今朱呂兩先生祀弗替前 督憲葉府憲
李先後表其廬乾隆二十五年 題旌

鄭爾壽字一鼎義門裔也自髫齡時遇父母微疾輒憂
形於色寢食俱廢里人咸以孝童稱之母患痢諸藥
罔效爾壽虔禱於神夢中恍有告者曰康山泉可療
汝母疾爾壽中夜急往得甘泉歸飲母母病獲瘳後
父患瘋疾躬親扶持衣不解帶者三載父乃卒先是
家甚貧爾壽勤於生殖後得稍裕父臨終囑以隨力

賜濟爾壽遵命終身不忘當丙申巳亥時邑連遭荒
歉爾壽出粟賑飢全活甚衆邑侯王給匾獎之乾隆

二十六年 題旌

張啟旭字心初以例入成均性至孝童時父遠出母病
輒呼天號泣儼若成人母目盲啟旭晨昏舌舐母目
復明父得瘋疾輾轉牀褥啟旭撫摩扶掖片刻不離
有言海風藤可治者訊其狀將往求焉家人咸以山
多虎勸弗行啟旭不顧而去卒得之以療父後父母
歿哀毀幾絕朝夕哭奠三年如一日凡遇節序諱辰
號泣如初喪其始終不衰如此乾隆二十七年 題

旌

石文楫政內鄉人諸生少孤事母至孝母患痢文楫亦患痔不能坐起跪煉藥餌以進母目失明文楫以舌舐之光尋復後母歿躬自築廬於墓側服闋不復歸覓近墓之廢寺居焉至疾篤子孫勸歸不許竟卒於寺中乾隆三十七年題旌

吳尚錫字惟予尚鉞字惟虔俱邑諸生尚鉞母弟也康熙甲寅閩變伯氏殺賊徇難二人痛兄之亡奮不顧身冒刃以報兄讎出尸於叢骸中歸葬之母以哭兄失明病幾死尚錫與鉞百計求治焚香籲天願以身代母病尋愈目亦復明他如建宗祠捐義產設糜粥以救飢築橋梁以利濟皆孝思所推暨也故至今頌德不衰焉兄尚鉞自有傳見忠節

張以叙字天秩北隅人幼英敏弱冠入邑庠困於闈試以例授訓導尋改主簿時父母年老不忍須臾離遂絕意進取父病疇三年以叙亦每食不下咽母壽至九十三以叙年七十持喪猶哀毀骨立與伯兄分產讓腴取瘠以故族人咸稱道之其生平更多義舉嘗卜祖父兆於僊華山麓掘數尺見石槲惻然令掩之加以封樹囑子孫毋與他人外家石氏晚有子七歲

而孤親房利其產危甚以叙保持之俾得成立歲辛未鬻一洪姓婢契成而夜慟詢知已許人不欲再適以叙卽取契還女并贈白金後壽至七十八而終王繼旦字德平溪溪人自幼敦至性讀書求通大義早孤與兄繼祥奉母卽以孝聞繼祥爲邑諸生銳意舉子業悉以家計委弟弟亦絕不以塵事及兄無何繼祥病羸纏綿三載繼旦不惜罄資以供參苓兄卒二姪俱幼以叔代父督課維勤後姪守觀及子允中先後遊庠皆其所培植也性慷慨樂於推解歲出其節書所餘以濟族鄰之貧乏者前令趙嘉其行推爲鄉祭酒以風示邑人焉

樓承順字光大康熙壬寅恩貢授台州寧海縣教諭善事親親亡廬墓自題永慕廬遠近賦詩以彰其行邑侯邢敬慕之延課讀於內署藕花亭多所題咏平生不慕聲利不求宦達方雍正元年儒學臚列其行以應孝廉方正之選而承順自以盛名難副謙讓不遑遂以老病辭焉

潘顯順字盛齋嘉興鄉人貌古樸氣度恂恂人犯之置弗校天性孝友父沒廬墓三年母歿如之昆季六人嘗析時田疇取其瘠者曰吾少時所耕作弗忍舍也

弟姪或蕩產卽割己田以予之不復計喜周人急有不能償者焚其券歲辛未邑大祲捐金助賑又煮粥以食鄉鄰之餓者常事咸嘉獎之舉者賓以爲闔邑勸

石邦璣邑諸生昆季三人生居長母偏愛仲季邦璣曲意奉之嘗就學義門一日寢而心動急起告歸其友止之不可歸果母疾作人方之參母之嚙指云大父最憐之勉其力學每夜淡欲睡挑燈跪讀友曰爾何自苦若是答曰吾承祖命而業不加進是罪人也故跪以自罰耳未幾遊庠惜年不永以赴試會城卒

金廣倫自幼以孝聞甫九齡母歿哀毀骨立見者憐之
父病噎遍求醫治不痊虔禱於天割股以進父病乃愈前縣王給匾旌之

倪元征字商臣貢生通化鄉人幼失怙依依孺慕至老不衰事繼母如所生弟早死撫其遺孤俾之成立平生勇於爲善自作家廟外如新學校賑凶荒建橋梁靡不踴躍爭先出重貲以成其事顧善不自居一以歸親且每當冥誕猶戚戚如居喪狀其孝愛尤淡已子兆熊個儻有爲家益光茂以都司例封其親諸孫擷芹藻者踵相接焉

樓洵揆字守聖南隅人幼穎悟喜讀書壯遊庠序見許
士林家貧克盡孝道自祖父母以及父母生養死葬
靡不竭力經營又外大父早世兩舅繼亡無後洵揆
迎外祖母養於家奉以終身迨歿擇就近地遷外大
父及兩舅之殯合葬以便祭掃斯尤克重親親之誼
者生平勇於行義嘗遇歲飢率先勸賑喜爲人解紛
侃侃直言嫌疑罔避當事每器重之屢邀給匾嘉尚
焉

朱以明字光新西隅人性真摯篤於孝義童時母中暴
疾卽知籲天求代人咸異之後母歿號泣如嬰兒越
歲父繼歿益哀毀骨立廬墓寢苦三年如一日一弟
出繼陷於訟危甚以明百計解散之乃得釋弟亦隨
歿時弟家計已耗四姪皆幼以明卒撫育之以至成
立康熙丁丑歲祿邑侯煮粥以活饑民令以明董其
事設法散給饑者咸賴以生家僅中貲而性好施予
嘗捐田糾衆勸建城西義橋又捐地爲義塚他如貸
金焚券往往有之不稍吝焉邑侯秦嘗稱爲一鄉善
人云

洪孟綱字尚德與弟孟經字尚恩孟絰字尚志東隅人
同母昆季也性俱謹厚篤於孝友家故貧三人竭力

以供甘旨當嚴寒時父病思食鯽冰堅不可得孟綱
獨往湖溪破冰入水獲魚馳歸衣履皆浙浙有聲二
弟爲之泣下及歿三人擔土築墳且擔且泣見者哀
之母性仁慈喜周急三人每善承之無敢稍吝迨母
至九十四而卒孟綱時年七十二弟俱過六旬相向
悲泣猶如嬰兒焉終身合爨而食不忍分異同心操
作家遂漸裕歲辛未邑中大祲三人謀所以賑之乃
煮糜以食饑民全活無算又常捨棺殯死注藥施人
以故人多德之前令何旌其孝義可風後三人先後
並舉賓筵人以爲榮

朱興楚字繹封西隅人鶴鳴仲子也少與兄同習舉子
業後兄舉進士授通海令興楚奉父母就養尋復侍
回浦往來奔走遂不獲卒業援例得江西樂平尹謁
選後便道旋里見堂上白髮依依不忍別往涖任多
能聲歲辛未

鑾輿南幸江西臺使者令興楚赴浙祇迎喜得歸省兼程
赴浙抵省聞父病急陳情上官重繭歸家伏地而泣
父亦泣不數日父歿興楚自恨定省有虧服除遂不
復出與兄共侍老母怡怡一室凡十九年而母歿興
楚尋亦卒可謂能知所本者矣

傅之富柳溪人秉性孝友父遭疾百計以求藥餌凡所
需無不力致之迨歿朝夕哀號至終喪不少懈奉母
尤謹居母喪一如喪父時昆季三人怡怡一室終身
無閒言先是家甚貧之富辛勤操作後乃漸裕雖絲
毫不敢浪費而於義舉頗踴躍焉歲辛未邑大祲出
粟煮賑全活甚衆浦陽書院新建割捐腴田以助膏
火他如修廟宇造橋梁無不樂爲之助里黨至今稱
之前邑侯龍器其爲人舉鄉飲以寵異焉弟之增爲
人循謹亦舉耆賓

張國儒平安人以例入成均自幼篤於孝友甫五齡因
母嗜魚私攜拍器伺水濱終日忘歸其父見而奇之
稍長出就外傳讀詩至陟岵章卽泣然涕下求歸省
親蓋至性有異人者後以父力衰棄舉子業獨任家
政勸昆季就學俱獲有成父歿兄弟同居者四十年
或欲議析輒涕泣不食以故舉家感之終無間言性
好義辛未歲饑有陳姓貧不能存將鬻其妻子國儒
聞而力止之資以銀穀母子獲全子用璠甲午舉於
鄉人咸謂報施之不爽焉

金仁梓性純孝母歿時年十五哀泣過成人父繼病家
貧乏醫藥資割股以救父暈絕於地良久乃醒後父

亡叔憐而養之事叔一如事父鄉里咸嘉歎焉

補遺

周宗濂字仲文通化人爲邑諸生讀書敦本悃幅無華事父克盡孝道母患瘋疾久臥牀褥宗濂左右扶掖不入內寢者三載嘗割股和藥以進又泣禱於神願促已壽以延親算迨歿結廬墓側朝夕哭泣終喪乃歸與二兄分析讓肥取瘠僅供餽粥而已以故鄉里恆稱許之


張德韜字用六東陽人國學生賦性謹厚淳朴不雕居家尤敦孝友父大病醫藥罔效德韜號呼無計割股以救病乃獲痊篤於手足毫無閒言析產時讓肥取瘠人以為難前令孟給扁旌其門

張應堅字又白德政鄉人鄉貢生立品端方秉性孝友父元慶家豐於財而嘗念手足至諛不忍獨饒將已田析而爲三各給三十石以膳諸弟迨沒應堅克繼父志絕無異言後二叔家漸裕見應堅食指日繁願退歸以報兄德應堅猶再三辭讓不獲命而後受之平生慷慨好施康熙壬寅歲旱大稔應堅賑穀二百餘石全活甚多他若修橋梁治道路濟貧乏澤枯骨無不踴躍爭倡義行猶彰彰焉

趙渭字望周東隅人父兄早歿事母先意承志嘗為外祖家置田立祭至今義產猶存母患病涕泣祈天願減己算以延親壽厥後事九旬之母孺慕如老萊子迨歿朝夕號痛扶病守墓親族力勸乃歸尋以哀毀成疾卒居家不苟言笑事二嫂甚謹撫諸姪如己子性慷慨推與勿吝而於族黨間尤多方周恤曾有族子貧乏欲售其祖塋墓木者渭聞之給以直得勿翦伐且請諸官永以為禁所謂愛其親以及他人之親者於渭見之矣

王宇清字天一興賢鄉人幼即嚴重篤於孝友侍堂上務得歡心終身孺慕勿衰讀書穎異過人童試即鬱為首選入泮未幾己酉選拔成均庚戌入都廷試一等發往山西以知縣試用歷任河津芮城趙城靈石諸縣事時西陲軍需未撤事多掣手獨能措置裕如凡卹民與教剔弊懲奸通水利賑凶荒治蹟彰彰所在民多感之尋以事罷歸志節凜然足跡不入城市嘗慕鄭氏王氏兩義門以禮持家著有儀則悉取其意定宗祠規制若干卷率族人拜起承事其事亡如事存又若此

鍾鳴盛字希山嘉興鄉人例貢生賦性淳朴克敦孝友



凡堂上所需無不曲意承志母病癆瘵百藥罔效醫者以人胞可治俗以胞壞子亡爲忌竟不可得時鳴盛妻將產喜曰可無他索也母苟得生子死何傷不旬日子生遂將胞調和以進母病果瘳子亦無恙人以爲孝感所至第周能未三十而逝遺孤尙幼鳴盛撫之不啻已出卒爲婦配俾成立焉業師曹德照晚年喪子乏嗣鳴盛爲贈貲娶妾他如修學造橋靡不踴躍捐助其慷慨好義及如此


張灝字次梁北隅人由歲貢生任慈谿學訓導秉質純樸篤於倫常其奉堂上歡織悉必體親意或父母偶抱微疴衣不解帶終夜不入內寢若有所施與卽素所珍惜罔敢稍吝焉迨歿喪必盡哀祭必盡敬自少至老始終如一蓋其天性然也故今里黨猶有稱之者

張可楨字南先北隅人少明敏愛讀書弱冠遊庠再試食餼生而孝友甫六齡母傅氏卒抱伯兄而泣哀痛如成人嗣出就外傳師或問及必哭泣不止聞者咸爲淚下旋娶繼母周氏依慕一如所生不數年周氏復歿時父已無再續志可楨以庶弟尙幼不忍失怙再三勸父復娶以撫弱弟後父年老多病朝夕奉侍

靡有怠心及歿廬墓三年其終身孺慕不衰如此以故鄉里咸敬之前縣龍暨學師葉皆給扁旌焉

劉宗和 字英 金思楷 字外 黃志中 字不 張應鎬

傅希誠 字山 凌堅 字以上六人俱已旌表年代事實無考



浦江縣志卷之十一終 補前不人所錄 文化甲子

